

四庫全書

子部

欽定四庫全書

萬姓統譜卷二十

明 凌迪知 撰

上平聲

十二文

文

屬門商音文王支孫以諡為氏又有本姓敬避諱去敬改文

周文種

春秋時越大夫吳王夫差敗越兵於夫椒越王勾踐使種行成於吳勾踐既歸國屬政於種及滅吳種謀居多後以范蠡遺書稱疾不朝或諧種將作亂王賜以屬鏹之劍遂伏劍死

文之錯

蔡大夫史失名

漢文翁

舒人少好學通春秋景帝時為蜀郡守崇尚教化興學校以變風俗由是蜀文風可比齊魯武

帝時天下皆建學自文翁始後終於蜀蜀人祀之

文穆

烏桓校尉將太原上谷兵從竇固伐西域

文聘

字仲業南陽人獻帝時為荊州大將曹操進兵江陵厚禮待之使統本兵為江夏太守

文漸

資縣人事親至孝年七十持母喪負土成墳廬于墓側哀毀疾甚有白鳥白雀棲墓木回翔悲鳴若助哀者鄉人勾文昂自娶妻後與父離居親漸孝行深自悔責號慟而歸孝養盡志觀感而化者甚眾

甚眾

文春

茶陵長慈仁汎愛郡人立碑以歌遺風

文龍

桂陽太守

文醜

袁紹騎將

文齊

王莽末益州太守羣夷畏服公孫述據蜀齊固拒之聞光武即位乃間遣使自聞徵為鎮遠將

軍封成

義侯

晉

文立

字廣休巴郡人少在蜀時師事譙周門人以立為顏回治毛詩三禮兼通羣書仕晉至尚書郎

文無畏

宋左司馬

文碩

李雄將殺雄將李江以巴歸順

文騫

石勒陷襄陽王浚遣文騫救之與王申大破勒於石津

文恩

武都太守十姓獠反恩討平之復治益州事堂琅羌叛恩率州兵討平之進擊資中武康隆山

生獠及東山

獠並破之

南文門愛

山陽人早孤供養伯父母以孝謹聞伯父亡服未終伯母又亡門愛居喪持服六年哀毀

骨立鄉人魏仲賢

等相與標其孝義

五代文時

字春元成都人後唐同光乙酉特授帳前指揮使輕車都尉守鎮江西巡歷永新晚年留家邑

四北錢市子孫世居遂為永新人後裔孫光大宋開寶初由國監賦魁授承事郎郴州判官墓

雍熙中授迪功郎桂陽令紐慶歷初中宏詞科累官任潭州守伯熙寧間任大理評事

文澹

蜀人生五歲謂母曰有五色香囊在杏林中往取之乃前生為兒時所失者再生而記之

宋

文彥博

字寬夫介休人進士及第累仕四朝出將入相五十餘年再相時與富弼並命士大夫相

賀于庭彥博立朝端重顧盼有威契丹使望見改容拱手曰天下異人也官至太師封潞國公

年九十二諡忠烈八子皆歷

要官及甫官至戶部侍郎

文周

字次莊建炎丁未為京庠弟子奮身投軍捕盜收復郡縣有功授成忠郎江淮節度使

判曰以文歸武戰累收除克著懋勲為國名臣尋陞處置副使子進淳熙中授實錄院檢討

文彥直

字益之萍鄉人好學雖避寇山中猶誦讀不輟紹興初以恩補漢陽軍事判官終淮陽軍

節度推官弟彥光建

炎初進士未仕卒

文天禎

廬陵人天祥兄寶祐間鄉舉署廣濟學諭造士有方邑治丕變以天祥死節不仕元遂居

廣濟之五里橋東家
世業儒迄今未艾

文天祥

字履善吉州人舉進士第一歷仕湖南提刑元兵至皋亭山天祥往說之被脅至真州遁

募兵勤王拜右相挾二王入閩廣兵敗被執繫獄四年不屈南面再拜就死諡忠烈

文邦卿

處置使周之喬也讀書尚古蓄德弗耀嘗集諧信國公序其端弟天聲咸淳癸酉江西漕

舉賦魁授宣教郎江州司戶兼勸農事與邦卿友愛兩盡里人稱之

文範

荆南人不樂仕進時黃魯直贈詩曰不趨吏部曹中板甘膾高沙湖裏魚

文同

字與可梓潼人以文學名世操行高潔善詩文篆隸行草飛白又善畫竹蘇軾輩咸重之舉進

士稍違太常博士集賢校理歷知陵陽湖州所著有丹淵集四十卷

文應麟

天祥孫，個儻尚氣節。景定中隨叔璧守惠州，元兵至城陷，麟恥之，攜二子起南適于東莞。

之東渚遂家焉，今其子孫最為名族。

文初

彭山人，父永容。汴初尚在襁褓中，後二十年至汴訪尋之，踰年始得歸。養暨登第，封永為成事。

郎安輿奉養時人稱之。

文獻

八世同居旌表，門閭蠲租稅。

元文如玉

順慶人，少嗜學，舉進士官。至東路太守，政平訟理，禁暴戢奸，吏民畏之。號石山。

文天錫

金壇人，字純止。五詣鄉舉，以特恩授寧國主簿，謝不仕。宋亡遂隱四平山中，皓首窮經著

述甚富。

文桂發

鄉舉十名試石渠閣賦詞體
俊逸其族與丞相天祥通譜

明

文景宗

丙午年知徐州時天下初定民多流離景宗
招徠勸課民皆安業性廉潔善因事成功如

州治儒學壇壇城
隍廟皆其所建云

文魯麟

性鯁直操履勁特善古文豪爽嚴正類其為
人洪武二年千戶俞茂知州田盛交薦于朝

文洪

字公大先世衡州人父始籍于長洲洪以易學
授人多造就者後舉鄉貢授來水教諭以子林

森俱舉進士仕

至僉都御史

文林

洪子字宗儒正統進士歷太僕寺丞守温州文
學該博雖堪輿卜筮皆能通其說尤精于易數

平生以經濟自

負惜不究所施

文森

洪子成化進士歷
官右副都御史

文貴

字天爵湘鄉人成化
進士歷兵部左侍郎

文瑞

介休人成化進士授行人擢監察御史有廉聲
按畿甸有中貴侵民田直而歸之又巡山東宣
滯理枉得風憲體時齊魯亢旱親出祈禱即降
大雨官舍有妖瑞至妖滅人皆異之後陞山東
按察副使節操愈勵卒于
官囊笥蕭然遠近哀之

文澍

字汝霖桃源人成化丙戌進士歷南京刑部郎
中知重慶府政尚寬平有古循吏風值歲凶發
部屬米萬石以賑全活者甚衆有剽盜嘯聚山
澤諭之使復業盜感其誠信隨即解散澍富於
問學為詩文古澹有思致年躋耄耋手不釋卷
所著有桃源賦至居鄉以禮法自持稱篤行君

云子

文皓

垣曲人弘治中進士歷治平原衡水二縣有惠政擢御史時逆瑾煽毒皓奉旨雪冤獄而瑾不

能禍降河南按察副使誅魯山叛盜王昭等有功尋陳休致嘉靖間奉詔進階正議大夫

文明

江西人正德進士仕至刑部侍郎

文徵明

林子字徵仲初名璧以字行長洲人國子貢士嘉靖初薦舉任翰林院待詔告歸年九十

八而終文學德行為時所宗子彭嘉俱有文名

文作

涪州人嘉靖進士萬厯間福建按察司僉事

聞

吳興宮音以凶德為氏

宋

聞見昌

古筠人咸平
中登進士第

聞舜舉

登科

聞韶

光州人開禧間
知象山縣事

明

聞良輔

德清人才行超卓洪武中為監察御史累遷
大理少卿出使暹羅國官至廣東按察使

聞伯昇

天台人洪武
開科進士

聞祿

永樂初臨江府通判操守堅正蒞政公勤
事無愆違民皆樂業尋陞山西太原知府

聞質

字仲彬桐廬人永樂中由鄉舉入太學授工部
主事在任勤能尋陞史曹郎中官至湖廣布政

司右

參議

聞昌輝

餘姚人天
順進士

聞釗

常熟人成化進士任南京大理左評事進左寺副陞左寺正會給事中方向與中貴構怨事下

釗議竟抵中貴於法遂為所排左遷知華容縣卒于官

聞璋

字廷實鄞人父可信敦朴善良與物無競人侮之弗校或以事謀之輒殫其心時稱長者璋世

其德益寬大坦夷待人以誠家頗豐殖人貸之輒應或逋不償不責其償已而復貸輒復應之以甲戶應里役所隸戶或貧弗及官輸輒代之輸而徐使償之弗償輒復置之居家孝友恭儉內外雍俞處族衆尤謙謹執禮尊長或督過輒長跪請罪必得解乃已閭里慕之謂巖穴篤行君子也子元璧仁孝好施有父風然侃侃不阿濶度而高朗孤弱者多倚以為植竟不壽子淵

舉進士仕至太子太保吏部尚

書璋元璧皆累贈刑部尚書

聞元奎

鄞人性誠直篤於倫理事父母先後左右周旋懇至友愛同產尤異恒情仲弟元璧蚤世

撫其諸孤而教之有成均於己子與人交敬而有辨非分所宜得不輒規一介以貢授江陰訓導久以達上海教諭胥以身作範造士為多子澤舉甲戌進士歷兵部職方主事武庫員外郎進車駕郎中江西布政司左叅議以疾卒居家孝友服官忠勤人謂克承世德云

聞淵

字靜中鄞縣人弘治乙丑進士歷官太子太保吏部尚書謚莊簡弟澤正德甲戌進士布政司

叅議源嘉靖壬午

舉人工部郎中

聞東昌

字會昌崑山人正德進士任主事

聞宗時

鄧人教授聞理子宗時性至孝幼喪母奉繼母陳承順篤至嘉靖丙辰倭賊突至舉家竄

避宗時扶父出而遇賊脇取金錢不得拔刀欲殺父宗時以身翼蔽泣求自代遂飲刀而死尸

諸田間父遂得釋時家奴李三抱宗時幼子不忍舍去亦被賊刀截左耳併刳其面屢死屢甦

人共傷之

殷汝南宮音子姓商之後十九世小辛改國曰殷以國為氏

秦殷通

二世元年為會稽守素賢項梁時陳勝兵起召梁計事梁曰方今天亡秦時也先發制人後發

制于人吳有奇士桓楚獨項籍知之請召籍籍至拔劍斬通梁即佩通印綬自為會稽將籍為

裨遂起兵吳中

漢殷丹

會稽太守郡有孝婦以誣見殺連旱三年丹到郡刑訟者祭婦墓天應時澍

殷謨

字君長鴈門人守節不仕王莽

三國殷觀

字孔休宣城人漢昭烈辟為荊州主簿孫權遣使約昭烈取蜀或謂宜聽之觀曰若為吳先驅

進未能克蜀退為權所乘則去事矣今但可替其伐蜀新據諸郡未可輕動權必不能越我而西如此則進退可以收吳蜀之利矣昭烈從之遣為別駕從事

晉

殷康

字唐子吳興太守開荻塘溉田千餘頃

殷廣明

初為成都諸曹叅軍禧宗至蜀聞明有禮學擢太常博士

殷羨

字洪喬為豫章太守都下人寄書百餘函至石頭悉投之水曰沈者自沈浮者自浮不能為人

作致書郵仕

終光祿勳

殷迪

字仲遠太
子太傅

殷仲文

有才藻美容貌桓溫以女妻之為尚書令無
忌中傷之一日照鏡而不見其面遂遇害

殷浩

陳郡人字深淵羨子識度清遠三府辟皆不就
謝尚輩嘗伺其出處以卜江左興亡後徵為揚

州刺史陳讓至五月始受拜
任至中軍將軍子涓亦知名

殷融

字洪遠丹陽令
有文集行于世

殷覲

字伯通浩之從子父康吳興太守覲有才氣太
元中以中書郎擢南蠻校尉蒞職清明政績滿

舉

殷裒

榮陽令興學教民民知禮讓歌曰榮陽令有異政立學校人易性令吾子孫恥爭訟

殷仲堪

浩從子能清言善屬文出鎮江陵將之任詔曰卿去有日使人酸然嘗謂永為廊廟之寶而忽為荆楚之珍歷五州刺史桓玄忌其勝已害之

殷道叔

晉陵太守撰孝行錄文集三卷

殷躋

字屆青上黨太守

殷佑

字慶元雲陽人擢吳郡太守嘗上箋論顧榮功高贈典不稱由是榮得加贈

殷禮

字德嗣雲陽人弱不好弄清識過人孫權召為郎中與張溫使蜀諸葛亮甚稱歎之遷零陵太守

南殷景仁

長平人少有大量仕宋累官中書令嘗薦劉湛同為郎中湛入而陰毀之景仁稱疾文帝

悟待之益隆凡朝政大小必密函問之

殷琰

字敬珉陳郡長平人少為宋文帝所知遇性和雅靜素寡嗜慾諸練舊事累遷黃門侍郎為豫州刺史明帝廢立琰據壽陽拒命帝遣輔國將軍劉劭攻圍之城內懷附無有叛者歷十二月琰有疾諸將乃降除琰少府加給事中卒

殷文隆

字智鳳南城縣開國侯

殷孝祖

長平人少有氣幹仕宋以軍功拜積射將軍兗州刺史族子琰和雅寡慾多識前事為文

帝所知任至少府加給事中

殷鉉

字宣輔廣
熙太守

殷鈞

字季和長平人九歲以孝聞善隸書為學者楷
法任宋至臨川內史閉閣卧理而百姓化之終

國子

祭酒

殷不害

字長卿長平人家世儉約居甚貧窶有第五
人皆幼弱不害事老母養小弟無所不至士

大夫以篤行稱之年十七仕梁為廷尉
平長于政事兼飾以儒術累官司農卿

殷不佞

字季卿少立名節居父喪以至孝稱魏克江
陵母卒道路隔絕久不得奔赴四載之中晝

夜號泣居處飲食嘗為居喪之禮及迎母喪歸
奠居處之節如始聞問若此者又三年身自負
土手植松柏每歲時伏臘必三日不食歷

官太傅錄尚書子梵章位尚書金部郎

殷堯藩

秀州人元和進士從李翱長沙幕府後為長樂令有治績擢侍御史官江南甚著風采有

詩集

一卷

殷淳

景仁弟少好學有美名歷中書黃門侍郎好文義未嘗違捨在秘書閣撰四部書大目凡四十

卷行

于世

殷孚

淳子有父風嘗與侍中何勗共食孚羹盡勗云益殷尊羹勗司空無忌子也孚徐輟筋曰何無

忌諱孚位

吏部郎

唐

殷踐猷

字伯起長平人博學善記尤通氏族闕醫方時稱為五總龜舉文儒異等授秘書省學

士兼麗正殿學士子寅舉宏詞為太子校書郎孫亮杭州刺史

殷懌

字易從曲阿人少負志氣博學善屬文天寶末知天下將亂隱居吳門不仕子侑

殷侑

陳州人有志于學不治貨產長通經術貞元末及五經第累官刑部尚書時李訓鄭注已誅帝

問侑治安術侑言朝廷任者德無輕用新進帝然之

殷開山

鄆縣人從太宗征伐有功仕至吏部尚書進爵鄖公圖形凌烟

宋殷澄

字公源華亭人性介特平生無宿諾元兵入華亭元將軍命屠之澄奮言不顧帥感悟而止於

時全活者以萬計丞相伯顏聞而義之授華亭總管澄即棄去野服隱居終身不仕

明

殷近仁

嘉興人博學能文與其弟原誠原善無間言家貧親老同心協力以供甘旨之養近仁洪

武初以孝弟舉授山西平遙知縣未幾親喪莫祭盡禮服終以所著蒞政戒銘四十二篇獻之

于朝擢廣西叅政

殷原善

兄近仁與妻皆卒於官所遺三男一女原善撫如已出遂不娶年四十親友諷之娶原善

泣曰兄嫂不幸皆早世遺孤累累使我娶而不賢則諸孤將安托哉且娶者以為後也諸孤當有為我後者娶復何益終身不娶

殷奎

字孝章崑山人少從楊淮校授春秋洪武初以薦授陝西咸陽教諭念母不置鬱鬱而死門人私諡文懿先生奎文學精審有法尤深于性理勤於纂述所著有道學統緒等書

殷哲

膠州人洪武初以貢士任中書左丞

殷序

無錫人登進士第任四川布政水樂中建北京遺廷臣採大木于蜀議者舉序督役序乃節其

勞逸上不廢事下
無虐政頌聲載道

殷富

字若虛蘭洲人性敏純篤克盡孝友為學不尚
口聲成化丁酉舉人能苦撫教諸弟署昌平教

諭先德行而後
文藝士類敬服

殷雲霄

字近夫壽張人母孕七月而生脣眉碧目口
可容拳體羸而骨健讀書數行下既成誦終

身不忘年二十六舉弘治乙丑進士以疾歸五
年出授靖江令調青田召補南工科給諫未幾
卒年三十有七平生方峭克約雅志詩文武
廟時有十才子雲霄居其一政事多務清簡民
甚德之

殷學

山東人嘉靖進士
任兵部右侍郎

殷從儉

桂林人嘉靖進士
歷官南太僕卿

殷正茂

歙縣人嘉靖丁未進士
萬曆間戶部尚書

殷邁

南京人嘉靖辛丑進士
南京禮部侍郎

雲

琅琊徵音官氏志宥連氏改為雲氏又緡雲氏之後
望出河南

南

雲定興

善製器仗在隋擢少府丞
累遷屯衛大將軍

唐

雲洪嗣

武德七年進士
任湖州

雲得臣

武德中為臨溫令

雲遂

大定中泉州刺史

宋

雲景祥

太原人
大觀中登第

雲拱

淳化間以武經大夫知定州

雲景龍

字良遇汴許人乾道中知慈利蒞政嚴明幽枉必達興學勸農謹身節用親小民如已子

強梗肅然而又不為權要所屈民望攸歸後去官祖錢者為之流涕孫逢吉郴州司戶叅軍有文學行義乾道中大常黃鈞薦于丞相虞允文李燾劉珙等又相繼薦之

元

雲從龍

文昌人進士仕元為行省叅政撫綏有功兵民悅服

明

雲衢

桃源人永樂舉人

雲亮

長垣人弘治中任知縣

雲子玉

文昌人弘治舉人

雲岫

平鄉人嘉靖中判裕州

雲冒

山東人嘉靖中任叅政

云

本雲姓改為云又牒云氏改為云又縉雲氏之後

漢云敞

字幼儒平陵人師事同縣吳章王莽子宇與章謀夜以血塗莽門若鬼神之戒事發莽殺宇章

生腰斬初章為當世名儒弟子千餘人皆禁錮門人盡更名他師敞時為大司徒掾自劾吳章弟子收章尸葬之京師稱焉官至中郎諫大夫

明云復誠

東平人嘉靖間三河縣丞

芸 本雲姓春秋時從草改為芸見姓纂

周 芸賢 晉大夫

欣 西河

宋 欣彪 渤海人
登科

明 浙江樂清
縣有欣姓

君

周 君陳 成王命君陳繼周公保釐東郊
乃懋昭周公之訓克和厥中

君牙 周臣

君疇

堯學子
君疇

明君助

洪武間任漳州
知府西平人

勤見風俗通

漢勤戍魯大夫

唐勤曾為館陶尉

明勤秉禮瑞安人永樂舉人

勤璽曹縣人成化進士

董見姓苑

明 薰成 成化初任建寧衛千戶

芬 見姓苑

周 芬質 魯大夫

軍 見姓苑 冠軍侯之後因以為氏

南 軍延賞 臨川北內史

勲

宋 勲淵 瀏陽人 端平進士

勲玄 瀏陽人 元祐進士

明 懃會

瀏陽人弘治中舉
人任梧州府同知

斤 望出代郡

明

斤 其明

嘉靖中南
海縣貢士

忻

明

忻 恭遜

博羅人成化
舉人任教諭

忻 祥

漳州
人

忻 偉

吳堡
人

湖州府德清

縣有忻氏

妘 本雲姓祝融之後封于羅號妘子又作郢見國又望
出河南平陰

妾 音云見直音

邛 亦作郢雲夢雲改邛

筋 見姓苑

勳 見姓苑

鄞 見姓苑

分 見姓苑

蕢 見姓苑

萬姓統譜卷二十

欽定四庫全書

萬姓統譜卷二十一

明 凌迪知 撰

上平聲

十三元

孫

樂安宮音周文王第八子康叔封于衛至武公生惠孫惠孫生耳為衛上卿以字為氏又望出太原

周孫陽

字伯樂伯樂本天星名善識馬故名過虞坂有騏驎伏鹽車下見伯樂而悲嘶伯樂下車泣之

騏驎於是俛而噴仰而鳴聲聞於天彼見知者也

孫虞

字子乘東武人明易學魯商瞿子木受易於孔子以授魯橋庇子庸子庸授江東馯臂子弓子

弓授燕周醜子家子家授東武
孫虞子乘子乘授田何子裝

孫武齊人以兵法見吳王闔閭用為將西破強
楚北威齊晉顯名諸侯所著兵書十三篇

孫臏生阿鄆之間孫武之後與龐涓俱學兵法涓為
魏將嫉臏之能以計斷其足齊使載歸臏王以

為師魏攻齊臏減竈法給魏國度涓夜至馬陵
白書大樹涓果至見白書讀未畢萬弩齊發涓

乃自到孫臏由
是名顯天下

孫叔敖兒時見兩頭蛇殺而埋之母曰蛇今安在曰恐
兩頭蛇者死我今見之母曰蛇今安在曰恐

後人見殺而埋之矣母曰吾聞有陰德者必
有陽報吾子不死矣後為楚莊王相遂霸三

得之不喜三
已之不愠

漢
孫斌

第五種坐徙朔方中常侍單超欲置之死種初為衛相善遇斌斌聞超將俠客晨夜追種及之

於太原斌遮險格殺送吏因下馬與種斌自步從一日一夜行四百餘里遂得脫歸

孫期

字仲或濟陰成武人習京氏易古文尚書家貧不任事母至孝牧豕於大澤中以奉養母逮人

從其學者皆執經隴岬黃中賊起適期里陌相約莫犯孫先生舍郡舉方正遣史齋羊酒請期期驅豕入草不顧司徒黃琬特辟之不行終於家

孫堪

字子穉明經學有志操以節介氣勇自行任郡縣公平廉明俸祿不及妻子

孫居直

字德威鉅鹿人少剛介郭林宗之母卒往弔之適林宗里有惡少亦往弔焉林宗納而

不拒居直見之即回林宗追及之曰昔者孔子不拒互鄉童子予焉敢追其既往居直不從徑回其

為人剛介如此

孫寶

字子嚴，鄢陵人。初以明經為郡吏，累官京兆尹。後為大司農，時廷臣稱王莽功德，寶獨非之。坐免。

孫鍾

富春人。性至孝，以種瓜為業。一日，有三人來鍾設瓜及飲。三人曰：「示子葬地。」山下百步，勿反顧。鍾不六十步，回看三白鶴飛去，遂葬其母。鍾後生，堅，堅生策，權，權後建國，為吳稱帝。傳，亮，休，皓。凡四世。

三國孫乾

字公祐，北海人。先主為徐州牧，辟為從事。定益州，為秉忠將軍，雍容風議，見禮於世。

孫禮

字德達，涿郡人。任魏累遷大將軍，揚州刺史。所歷七郡五州，皆有威信。遷司空，封大利侯。諡景。

孫資

字彥龍太原人曹操為司空辟資不應後荀彧見而嘆曰北州賢智零落今復見孫彥龍乎表

為尚書郎仕
至中書令

孫登

字公和汲郡人讀易撫一絃琴學棲神術阮籍遇於蘇門與談時事大笑去至半嶺間嘯聲如

鳳凰

孫抱

為延陵令善吏職高爽詣之了無故人之懷高爽取筆書懸鼓云徒有八尺圍腹無一寸腸面

皮如許厚受
打未渠央

孫敬

字文寶閉戶讀書不堪其睡以繩繫頭懸之梁上市人呼之曰閉戶先生來也

孫賓碩

北海人桓帝時趙岐有家禍變姓字於市中販胡餅賓碩時年二十八市見岐疑其非常

人也載之歸與平中岐以太僕持節使安惠天下復與賓碩相遇相對流涕

孫堅

字文臺富春人靈帝時為吳郡司馬熹平元年妖賊許生作亂句章衆至萬餘自稱陽明皇帝

堅召募精兵千餘人擒殺之

孫策

字伯符堅子性闊達善於用人江淮間人咸向之為討逆將軍建安五年陰欲襲許迎漢帝密

治兵未發為客所刺年二十六卒

孫瑜

字仲異父靜字幼臺堅季弟也靜繼墳墓宗族不樂出身終於家五子嵩瑜皎負謙瑜始以恭

義校尉領兵兼丹陽太守加綬遠將軍遷奮威將軍領郡如故溧陽徙屯牛渚瑜以永安人饒

助為襄安長無錫人顏連為居巢長使二府將吏子弟數百人就受業遂立學官臨饗講肄是

時諸將皆以軍務為事而瑜好樂墳典雖在軍旅誦聲不絕

孫皎

字叔明仕孫權為征虜將軍嘗遣兵候獲魏邊將吏美女以進皎曰更其衣服送還下令曰

所誅者曹氏其百姓何罪自今以後不得繫其老弱由是江淮多歸附者

孫崧

平度人有高義寄居安丘李原欲詣崧學崧曰鄉里鄭君學者規範君何舍之而遠遊乎故原

有登山採玉之譬崧辭謝焉

孫賁

字伯陽父羗字聖一堅同產兄也賁蚤失二親弟甫嬰孩賁自撫育友愛甚篤為郡督郵守長堅於長沙舉義兵賁去吏從征伐堅薨賁帥餘眾扶柩去依袁術壽春賁攻破周昂於陰陵領豫州刺史轉丹陽都尉行征虜將軍討平山越為揚州刺史劉繇所迫逐還歷陽與吳景共擊

樊能張英進擊繇還江南與策征廬江太守劉
勳江夏太守黃祖還定豫章領太守封都亭侯
拜征虜將軍領郡如
故在官十一年卒

孫觀

字仲臺泰山人與臧霸俱起討黃巾曹操破呂
布使霸招觀兄弟厚遇之征定青徐羣盜功次

於霸封呂都亭侯兄康亦以功封列侯與操會
南皮拜青州刺史從征孫權以濡須口為流矢
所中力戰不顧操勞之曰將軍被創深重而猛
氣益奮不當為國愛身乎轉振威將軍創甚卒
子毓嗣至
青州刺史

孫韶

字公禮年十七收伯父河餘衆繕治京城起樓
櫓備器械備以禦敵權試攻驚之兵皆乘機傳檄

備警謹聲動地權甚器之拜承烈校尉統河部
曲為廣陵太守鎮北將軍善養士卒得其死力

常以警疆場遠斥堠為務先知動靜而為之備
故鮮有負敗青徐泗江淮之地所居者各數百
里朝建業時權問青徐諸屯要害遠近人馬衆
寡魏將帥姓名所問咸對身長八尺儀貌都雅
權嘆悅曰吾久不見公禮不圖進益
乃爾加領幽州牧假節赤烏四年卒

孫鄰

字公達賁之子也九歲代領豫章封都鄉侯雅
性精敏幼有令譽在郡垂二十年討平叛賊政
績循理召至武昌為繞帳督潘濬掌荊州事嘗
與重安長陳留舒變相失變有罪欲致之法論
者多為言猶不釋鄰詣濬曰舒伯膺兄弟爭死
海內義之仲膺又有奉國舊恩今君殺其子弟
若中州士人問仲膺繼嗣答者云潘承明殺變
於事何如濬意即解變用得濟鄰遷夏口沔中
督威遠將軍所居任
職赤烏十二年卒

孫亘

字叔武河之子儀容端正詭識聰徹博學強記能論議應對權常稱為宗室顏淵年二十五拜

安東中郎將與陸遜共拒劉備亘投刀奮命與遜戮力備遂敗以功拜建武將軍封丹徒侯

晉孫叔然

本名炎與晉武帝同名故以字稱樂安人受學鄭玄之門人稱東州大儒徵為秘書監不

就嘗作周易春秋例毛詩禮記春秋三傳國語爾雅諸注竝行於世

孫楚

字子荆太原中都縣人才藻卓絕爽邁不羣少欲隱居謂王濟曰吾欲漱石枕流濟曰流非可

枕石非可漱楚曰枕流欲洗其耳漱石欲礪其齒年四十餘始叅鎮東軍事

孫統

太原人與弟綽及從弟盛避亂過江家於會稽統善屬文歷官餘姚令子騰亦博學位至廷尉

孫綽

楚孫字興公兄盛博學善言名理著醫卜及易象妙於見形論又著魏氏春秋晉陽秋咸稱良

史官至秘書監加給事中綽博學能文後居會稽游放山水十餘年作遂初賦及天台賦詞甚工

孫康

晉人家貧無油嘗夜映雪讀書後為御史大夫

孫惠

字德施富陽人口訥好學有才識東海王越以為軍咨祭酒每造書檄或驛馬催之應命立成

皆有文采

孫盛

字安國起家佐著作郎以家貧親老求為小邑出補瀏陽令轉參軍補長沙太守頗營資貨節

從事察知服其高名而不劾之

孫拯

字顯世富春人能屬文仕晉吳平為涿令有稱績陸機既為孟玖等所誣收拯考掠兩踝骨見

終不變辭或勸之曰吾義不可誣枉遂死獄中

孫晷

字文度吳人恭孝清約學識有理義辟命皆不就每獨處幽闇之中容止瞻望未嘗傾邪聞人

之善欣若有得見人饑寒並周贍之有高世之風

南孫瑒

字德建吳縣人父脩道梁中散大夫瑒倜儻好謀博涉經史侯景之亂王琳表薦為宜都太守

以功封富陽侯陳受禪徵入為侍中

孫謙

字長遜東莞人仕梁累官零陵太守以老徵為光祿大夫謙歷二縣五郡所在廉潔居身儉素

每朝見猶請劇職自効武帝笑曰朕當使卿智不當使卿力年九十二卒

孫塞

字彥舉樂安人少勵志勤學任北齊為國子助教神武署為相府主簿專典文筆及卒神武曰

折我右臂

孫益德樂安人其母為人所害益德童幼為母復仇還家哭於殯以待罪孝文文明太后以其幼

而孝不逃罪遂免之

孫惠蔚

武邑人六世祖道恭為晉長秋卿至惠蔚世以儒學相傳周流儒肆以博綜羣籍太和初

舉孝廉對策為中書博士累遷秘書丞武邑郡中正乃上疏考校羣經差繆忝定字義後遷黃門侍郎國子祭酒秘書監仍知史事尋封豪強縣男

孫普濟

臨湘人居喪未葬鄰火將及舍普濟號慟伏棺上以身蔽火鄰人往救之焚炙已悶絕累

日乃蘇

孫該

字公達任城人年二十二上計掾召為郎中著魏書

孫法宗

一名宗之與興人父隨孫恩入海被害屍骸不收母兄並餓死法宗年小流迸至十六方

得還單身勤苦霜行草宿營辦棺槨造立塚墓葬送母兄儉而有禮以父屍不測入海尋求聞

世間論是至親以血瀝骨當悉凝浸乃操刀公海見枯骨則刻肉灌血如此十餘年臂脛無完

皮血脈枯竭終不能逢遂哀經終身常居墓所山禽野獸皆悉馴附每麋鹿觸網必解放之備

以錢物後忽苦頭創夜有女人至曰我是天使來相謝行劄本不關善人使者遠相及取牛糞煮

傳之即驗一傳便差一境賴之終身不娶饋遼無所受孝武初揚州為文學從事不就卒

孫棘

彭城人大明五年發三五丁棘弟陸應充行坐違期依制軍法獄未及結棘詣郡辭列棘為家

長令弟不行罪應百死弟幼小亡母遺言所屬
不忍當一門之苦乞以身代陸陸又辭列狂愚
犯法實是陸身自依法受戮陸三歲失父一生
恃賴兄兄雖垂憐陸何心處世太守張岱疑其
不實以棘陸各置一處報云聽其相代棘陸皆
欣然赴死棘妻許又寄語屬棘曰君當門戶豈
可委罪小郎且大家臨亡以小郎屬君竟未娶
妻家道不立君已有二兒死復何恨岱依事表
上孝武詔除原罪州加
辟命並賜帛二十四匹

孫淡

太原人世居長沙事母至孝母疾不眠
食以差為期母哀之後有疾不使知

孫道登

彭城呂縣人永安初為梁將韋休所虜面縛
臨刃巡達鄉塢令其招降鄉里道登厲聲唱

呼但當努力賊無
所能賊遂屠戮之

孫惠素

仕齊為少府卿性至孝
吏才彊濟而臨事清刻

孫靈暉

三禮三傳皆通宗旨舉秀才射策高第
仕齊至國子博士子萬壽散騎常侍

孫處

字季高盧循之難武帝曰非卿不能破
其窟穴即遣季高泛海襲番禺拔之

隋
孫景茂

涿州刺史雅有德政論者稱為
良牧及卒吏民赴葬者數千人

孫萬壽

靈暉子武強人幼從熊安生受五經博涉子
史善屬文隋初徵拜豫章王長史有文集十

卷三

唐

孫魴

淮人性聰敏好學善吟詩楊吳據有江淮文雅
之士駢集魴遂與沈彬李建勳為詩社仕為宗

正郎卒有
詩百篇

孫伏伽

貝州武城人高祖武德初上言三事其一置諍臣開言路以聞其過其二百戲散樂並宜

廢之以復雅正其三皇太子諸王宜用賢才澄僚友之選帝大悅以為治書侍御史太宗即位

遷大理少卿帝數出馳射伏伽諫以為非所以導養聖躬垂憲後代帝悅曰卿能言朕失朕能

改之天下庶有瘳乎累遷大理卿久之出刺陝州

孫倚相

南平人仕為秘書省正字學校諸書多所刊定其子崇義天寶末為幽州大將以雄烈聞

孫從政
有風標

孫思邈

華原人通百家善言老莊獨孤信異之曰聖童也兼通陰陽推步醫藥居太白山隋文帝

以國子博士召不拜太宗召至京師時年已老欲官之不受竟稱疾還山

孫洧

父光裕鄭州刺史居官清愿以良吏稱撫諸弟友愛洧有父風以雍睦保家士友推之天寶中

為給事中遷襄州刺史安祿山犯河洛為江陵大都督長史以禦賊卒贈禮部尚書諡曰懿

孫虔禮

字過庭吳人官胄曹工書至能品嘗著書論妙盡其趣即書譜也子翔亦能書宋高宗嘗

謂此譜妙盡草法手不少置惟禁中入清樓所刻最為精絕

孫逖

博州武水人自幼警敏有文思累官中書舍人典詔誥極精密張九齡視其草欲易一字卒不

能其父嘉之為襄邑令逖求增父秩遂拜宋州司馬聽致仕後逖官至太子詹事

孫樵

字可之韓昌黎門人所著有可之集

孫成

而逖子為信州刺史歲旱發倉以賤直售民故饑而不亡後改桂管觀察使子公器亦至邕管經

畧使公器子簡元和初進士累官諫議大夫知制誥
進中書舍人簡凡範亦為淄青節度使世號顯家
孫揆 遜五世孫以進士累官京兆尹昭宗討李克用
投揆昭義軍節度以本道兵會戰克用伏兵執
揆厚禮將尊用之揆大罵不屈克用怒使以鋸
解之鋸齒不行揆罵曰死狗奴解人當用板如
其言詈聲
不輟乃死

孫既 樂安人母喪廬墓髮毳面垢疋瘵骨立俄有醴
泉涌於墓側里人名之曰孝源泉貞元中碑刻

存
今尚

孫邵 奉化人博學高才天祐間左拾遺所作有卜世
論春秋論其後孫沔仕宋官至樞密副使

孫處約 汝州郟城人貞觀中為齊王祐記室祐多過失處約
數諫太宗咨歎之擢中書舍人後以小司成致仕

孫疆

南國處士富春人因顧野王玉篇增加字三十卷舊一十五萬八千六百四十一言新五萬一

千一百二十九言總二十萬九千七百七十言註四十萬七千五百有三十字為大廣益會玉

篇大槩本說文以高宗上元元年甲戌歲四月書成

孫萬登

青州人咸通時任金吾上將軍受命南征既平值唐祚移孤軍不能討賊曰北向泣因家

休寧名其里曰唐田仍建李天王廟以奉故主今江南孫姓蕃盛蓋其忠貞之報云

五代孫晟

密州人好學有文辭仕南唐為右僕射周世宗征淮南遣晟使周見留晟謂其副王崇質曰吾

行必不免然吾終不忍負永陵一杯土世宗待晟甚厚召問江南事終不對世宗怒收下獄晟

臨死神色怡然南望拜曰臣惟以死報國乃就刑唐主聞之贈魯國公

孫陟 新城人仕錢氏為尚書任常州防禦時寇盜充斥調兵督戰竟歿於陣呂城為之立廟以恤禮

歸葬

孫降表

眉山人博學慷慨有識量孟蜀時以事至洛陽見宋太祖於潛邸知其非常人傾心事之

及太祖平蜀召見授眉州別駕賜田遣歸於眉市書萬卷而還子曾元祐間因日食求言抗疏

力詆朝廷

宋

孫光憲

貴平人少游荆渚高從誨署為從事宋太祖召授黃州刺史博通經史聚書數千卷校讐

不倦自號葆光子所著有荆臺集等書子謂謙並進士

孫行友

莫州清苑人嘗聚眾狼山屢敗契丹仕漢周累官定州留後宋初加同平章事累遷至左

龍武軍
大將軍

孫全照

行友姪父方進德州刺史全照以蔭補殿直雍熙中從田重進擊賊有功加西京作坊使

知威遠軍真宗幸澶淵全照擊契丹後加檢校工部尚書

孫承佑

錢塘人初仕吳越王俶累官鎮東鎮海兩節度使及倣納土徙寧海節度使

孫寬

字伯純新淦人雍熙間舉進士後守蘇州甫及引年大書一詩於壁有曰莫待朝廷差致仕早

謀泉石養閒身題畢拂衣歸九華山再召竟不起

孫奭

字宗古博平人以九經及第累官龍圖待制奭守道自處有所言未嘗阿附真宗問以天書對

曰臣聞天何言哉豈有書也又上疏極諫卒諡曰宣

孫瑜

字叔禮，爽子。為兩浙轉運使，歷知數州，累官工部侍郎。瑜天資整敏，齊家以嚴，稱所薦士有過

或教使自言曰：「已知之而復擠之，吾不為也。」

孫長孺

字思齊，嗜學聚書。經史百家畢備，祥符八年賜五經出身，知廣西潯州政尚仁恕，累官太

子中允

孫應時

字季和，餘姚人。早從學於象山陸九淵，登進士第。初為黃巖尉，有惠愛，常平使者朱熹重

之。丘崇帥蜀，辟入制幕，改常熟縣。既秩滿，郡將以私憾，捃撫倉粟，累欠三千斛，見問市民，感德至

相率擔負詣郡，願代償。投通判，即武軍未上而卒。自號燭湖居士。今列祀學宮名宦祠。

孫冲

字子和，趙州人。舉明經，歷知天雄軍，再知潞州。加至集賢學士，所至以強幹稱。脩己甚嚴，一毫

不妄取知天雄時秩滿家人解其歸裝有
一硯冲視之曰非吾來時物也命還之

孫思恭

字彥先登州人擢進士累官天章閣待制性
不忤物犯而不校薦於事上有所見必密疏

以聞歐陽脩出政府思恭救解之坐是出
知江寧思恭精於歷數當世鮮有及之者

孫復

字明復平陽人舉進士不第居泰山著春秋
尊王發微十二篇范仲淹富弼薦校書郎國

子監直講召為邇英說書遷殿中丞卒仁宗命
其門人祖無擇就其家得書十五萬言錄藏秘

閣

孫立節

字介夫長孺孫事李太伯友曾子固學問淹
貫孫復嘗著春秋發微見立節所作撫卷歎

曰吾力所未及者盡發之擢皇祐五年進士時
行新法燕轍議不合去王安石語立節曰吾條

例司當得明敏如子者立節笑曰公過矣若我
軍人亦不肯為條例司矣立節趨出後為鎮江

軍書記監司
獨敬憚之

孫勸

字志舉立節季子涉獵經史尤工詩偕兄勰從
蘇軾遊節氣凜然弗肯從任臺府舉遺逸不應

卜居延春谷軾榜其舍曰竹
林隱居年七十無疾而逝

孫錫

儀真人舉進士第以文學見稱居官忠厚正直
除刑部時有逮捕繫獄者一百二十人勅遇赦

不原錫獨奏釋之後持憲淮南考課為天下第一
知舒州發陳州廣惠倉以活陳許頴蔡流人

不可勝數官
至司封郎中

孫唐卿

字希元青州人少有學行以書謁韓琦琦深
器之登進士判陝州於吏事若素習者民有

母再適而死及葬父恨母不得祔盜母之喪祔葬之有司論以法唐卿時權府事曰斯人知有

孝而不知有法乃釋之

孫節開封人以才勇補右侍禁與狄青同在延州數破敵皆有功又從青討儂智高至歸仁舖為前

鋒搏戰賊銳甚節鏖戰中鎗而沒特贈忠武軍節度留後

孫義伯豐城人於書無所不讀謂治歷當備三法曰象曰器曰數作六歷論渾蓋同歸圖寫古今

七十六家法數作大歷賦復古著傳其他著作尤盛雖瓶無儲粟澹如也

孫億字延齡分宜人舉進士知吉州吉租歲收四十萬斛漕臣意在聚斂戒庾吏收什二以充羨餘

億拒臺命出納一用倉式

孫抃

字夢得眉州人六世祖長孺喜藏書號書樓孫氏抃登進士甲科皇祐中為御史中丞內侍王

守忠建節抃奏罷之張貴妃卒追冊命為后抃力爭止之累遷翰林學士承旨官至叅知政事

卒諡文懿

孫博

河東人讀書能屬文晚學道能使草木皆為火光照曜數十里行大水中身不沾濡人有疾指

之言愈即愈出入山間石壁如有穴者後入林慮山合神丹仙去

孫昉

字景初為太醫自號四休居士山谷問其說對曰麤茶淡飯飽即休補破遮寒暖即休三平二

滿過即休不貪不妬老即休山谷曰此安樂法也

孫何

字漢公汝陽人幼嗜學與丁謂齊名王禹偁尤知之以為自唐韓柳後三百年有孫丁也時人

謂之孫丁舉進士開
封禮部殿試俱第一

孫僅

字鄰幾與何俱有名於時兄弟
皆以進士冠天下士學者稱之

孫汲

字公善分宜人由朝散郎監司知其才檄權吉
州吉素號煩劇汲居不越月境內稱治時黃庭

堅為太和令作詩送之曰宜春
別駕鄉丈人來假廬陵二千石

孫永

字曼倩冲之孫舉進士治平三年為穎王侍讀
又為太子舍人神宗即位為天章閣待制瀛州

河決為患永盡蠲災傷所及民租累遷端明殿
學士哲宗時召拜工部尚書復遷吏部尚書資

政殿學士兼侍
讀卒諡康簡

孫祖德

字延仲濰州北海人少警悟舉進士第歷殿
中侍御史上疏請章獻太后還政復論郭皇后

后不得擅廢宦官閻文應獻計以藥化鐵成銅
可鑄錢裨國用祖德爭之出知兗徐蔡州尋除
吏部侍郎子珪
為江東轉運使

孫奕

字景山閬縣人登進士歷知南陵海陵吳縣呂
誨知開封薦知封丘縣及誨為御史中丞遂薦

為臺推遷監察御史論新法為鄧綰所劾出監
陳州酒稅陳襄知杭州辟為僉判後襄在經筵
因薦之曰士行著於鄉閭節義信於朋友外雖
淳朴中實強敏歷官所至皆以善政聞可為循
良之吏使當一路豈不足以為厚俗
而安民哉元祐初除福建轉運使

孫昭遠

眉山人元祐進士累官西京留守能收集散
亡為義兵以拒金人既而金人來攻昭遠戰

不利其下欲擁之
南選昭遠遂遇害

孫勰

字志康立節子有父風讀書博洽年未弱冠受知蘇軾終不畔所學守正不撓元祐三年擢進

士居官以勁直聞知湖廣岳州寓於東未幾卒所著有文集十四卷

孫構

字紹先博平人進士歷知數州徙湖北轉運使章惇興南北江蠻事構諭降懿洽二州納歸

附州十四後以右諫議大夫知桂州

孫洙

字巨源錫之子舉進士應制科上策論五十篇指陳治體分辨得失韓琦讀之太息曰今之賈

誼也神宗稱其學術行義擢翰林學士文詞典麗有西漢風

孫長卿

字次公揚州人以外祖朱巽蔭為校書郎拜龍圖閣直學士知定州神宗知其能轉兵部

侍郎長卿長於政事為時能臣性廉介不以一毫取於人

孫覺

字莘老高郵人舉進士神宗時修起居注青苗

法行覺論其非時言者亦以為畿內有追呼抑

配之擾神宗令覺行視虛實覺上疏曰臣以言

為職體量非臣事黜知廣德軍踰年徙湖州累

遷吏部侍郎除

龍圖閣直學士

孫覽

覺弟舉進士累遷直學士徙知永興軍成都府

後請祠覽為人剛直在朝敢論諍不肯阿附於

吏事亦
精敏

孫諤

字正臣邵武人熙寧六年擢世科又中法科第

一拜右正言力論楊畏在元豐間其議皆與朝

廷合及元祐末呂大防蘇轍為政則盡變而從

之紹聖初則又變而偷合詭隨人謂之楊三變

畏以此落職又言免役者一代大法願探羣言

毋以元豐元祐為間蔡京以諤任元祐罷諤言

職知廣德軍後
入元祐黨籍

孫甫

字之翰陽翟人少好學日誦數千言舉進士累官右正言時事多所建明官至天章閣待制著

唐史記七
十五卷

孫路

開封人第進士累官兵部尚書以龍圖閣直學士知成都夏人入寇有扞禦功司馬光將棄河

湟問於路路挾地圖示光曰熙之北已接夏境若捐以予敵一道危矣光幡然曰賴以訪君不然幾失國事

孫固

字和父管城人舉進士遷秘書丞石介一見以公輔期之累官門下侍郎知樞密院事諡溫靖

孫沔

字元規會稽人跌蕩自放而才猛過人舉進士累官樞密副使仁宗追冊張貴妃為溫成皇后

丐不肯讀冊遂求
罷職卒諡威敏

孫抗

字和叔熙人少孤力學寄食浮屠山中步行揭

書數百里升樓誦之而去其階數年遂博極羣
書為文操筆數百千言始同學究出身歷官後
登進士甲科知潯州改作廟學凡吏民子弟秀
者親據案講說文藝未幾旁州士皆來學擢監
察御史言事不顧利害子適邈迪迨遇適從王
荆公游年干四論議著書已驚人登第後終永
州軍事推官邈嘗為縣令荆公亦稱其好學能
文自迪以下及孫
畧皆登進士第

孫諭

江陵人元祐末掛冠同時退休者吳師道梁宏
朱光復賈亨彥張景達布衣唐愈為七老會五

日一集時
人榮之

孫繼鄴

涇原路副都總管兼知渭州建言蕭闕故道前控大川賊騎所出城得屬羗與奉賜但羈

其首領使為籓籬則可無西顧憂矣

孫毓

平度人有智慮居官不畏權勢彈劾交上拜濠梁節度使遷海南都轉運使

孫璉

字器之大庾人家貧嗜書善吟咏不應舉躬耕織屨以為食壽百歲嘗賦述懷詩云坐倦秋樹

根攝衣步前丘橫河澹如練破月西南流獨持一樽酒悠然發清謳俯仰無不足吾生焉所求

誦此詩可想見其人矣

孫鉉

自眉徙居茂州登第為博士靖康中條上守禦之策有詔褒服及二帝北狩金人以鉉有名上

庠指名檄取之義不屈以死

孫暉

霍丘人少負義氣靖康之亂率淮民團結保護鄉井賴之擢昭信尉建炎中金人將渡淮暉率

射士民兵禦之會大霧金人莫測多寡相持踰半日暉且戰且却城陷竟死于勅書棧

孫欽

武岡人宣和間洞獠讎殺欽挺身往諭即聽命郡守以聞徽宗嘉之召見官以文資後以武功

大夫德州刺史還守闕都靖康未死金人之難

孫藝

字叔靜錢塘人以父任補官累遷至屯田員外郎藝微時嘗與蔡京善嘗曰蔡子貴人也然德

不勝才恐貽天下憂至是與京不協京怒使言者誣以他事提舉鴻慶宮起知單州諡通靖

孫傅

海州人登進士歷官同知樞密院欽宗詣金營以傅輔太子留守及金邀太子傅願以死從後

死於朔庭紹興中贈官諡忠定

孫覲

字仲益晉陵人舉進士文章不為俗態靖康中為執法為詞臣旋由瑣闥厯吏戶長貳知秀州

溫州臨安諸郡其章疏制詔表奏明辨駁發每一篇出世爭傳誦紹興以後遭直口語出居象

郡久之歸隱太湖上孝宗朝嘗命編類蔡京王黼等事實上之史官年九十餘卒所著有瀟慶

集行於世

孫方武

長沙人為州學正金人入城方武率居民連日巷戰金人四面縱火人皆竄伏惟方武挺

身罵不絕口死之今祀於學

孫之翰

字文舉越谿人少志學孝友本乎天性母病革剗體取肝為粥以進越夕母如醉自醒乃

底於寧里人以其事上於郡守趙伯玉將聞於朝之翰曰本心救母他無所覲力止之卒葬五

山磊

孫緯

字彥文長洲人擢進士第歷宗正寺丞官至尚書郎為人誠朴好學精於一時典故所著有集

論總錄本朝人物志

孫自修

字敬夫偕從弟自新自任從朱子游時宣王正學久衰自修兄弟獨知尊嚮時論避之朱

子嘗貽書商榷傳訓既沒自修追記池錄一卷附載朱子語錄

孫楙

字德操紹興甲戌舉進士歷判池真鄆三州所至以興學節財為務及入覲高宗申獎曰天下

有卹而辨有不卹而辨卿所謂卹而辨者也嘗論公生明上問何以生公曰廉生公又問何以

生庶曰倫生廉上稱善累遷知太平州尋移溫州學官故有秦檜祠楙至亟命撤之朱晦菴稱

其愛立而教明古良吏也
後韓侂胄用事謝官歸

孫道夫

丹稜人以張浚薦召對除秘書正字出知懷安軍知蜀綿州遇事明了有水晶燈籠之稱

累遷至禮部侍郎道夫居官一意為民不可干以私仕宦三十年奉給多置書籍

孫逢吉

龍泉人其族祖叔通學極博時稱書庫官至清海軍節度推官逢吉隆興初進士知萍鄉

縣紹熙初為右正言累遷吏部侍郎時朱熹在經筵持論切直小人潛激上怒逢吉謂熹所言皆正願留之以重經幄後以忤韓侂胄出知太平州丐歸卒諡獻簡弟逢年逢辰皆有文行時

目為孫氏三龍

孫叔謹

字信之昭先之孫以恩補官調揭陽尉除大理評事持法守正指陳時事莫不切當嘉定

十年登進士除知莆田縣決民訟必酌人情遷大理正陸對愬愬以正心持久為言丐外知潮

州凡民之利病即日罷行之又以羨錢二萬緡代民役邦人感其惠為立像祀於韓文公廟

孫調

字和卿長溪人其學得朱文公之傳以排摯佛老推明聖經所著有策府五十卷易書詩解中

庸發題共五十卷浩齋稿三卷
學者稱為龍坡先生卒祀於學

孫沂

字彥溫丹徒人擢進士紹定四年轉為常熟丞時長官有挾不屑民事凡所以下息田里之爭

上應臺府之令惟沂是賴民有歲久不決之訟皆直請於臺府願以屬沂旁縣亦然臺府既以為

常沂亦不復計彼此部使者再委攝
府學教授皆謝不就以病乞歸而卒

孫枝

字吉甫定人父允受業鄉先生沈銖學以真實為本教授鄉校者十年枝與銖之子煥同游朱

熹門問學益精著書解十三篇嘉定間與子起予同登袁甫榜進士枝卓邁有智畧自秦隴荆湘達之淮海凡邊事軍謀靡不練習淮海帥延至幕下枝以祿不逮親辭不就起予為昭武參軍羣卒呼噪於市起予往諭之羣卒羅拜曰孫司戶清廉官不得犯入朝為監察御史至太常少卿次子願質紹定五年進士第後中教官科終工部侍郎

孫壽

榮經人號足菴居士孝友篤實壽之行著於鄉曲父嘗穴山通海灌田鄉人病其氣勢不廣壽慨然曰當繼父志乃捐資鑿之由是獲利者眾寧宗賜官迪功郎從子伯和亦讀書號竹溪隱士

孫昭先

字延父龍溪人登進士嘉泰初入班行論謹名葩嚴法度出知衡州治行冠一時召對論

外攘之策莫急於內治
兼右司郎中太府少卿

孫升

高郵人舉進士元祐時歷三院御史遷起居舍人危言讜論朝野憚之忤時宰出知應天府遷

天章閣
待制

孫子秀

字元實餘姚人紹定中進士性沈毅遇事敢為嘗知衢州有善政奏立孔子家廟如闕里

累官浙西提刑周行郡縣
獄為之清遷太常少卿

孫夢觀

字守叔慈谿人寶慶初進士歷官國子祭酒擢吏部侍郎重名節特立不阿始終一致義

所當然勇往直前其居敗
屋數間布衣蔬食而已

孫潼發

桐廬人登咸淳進士授徐州軍事判官有廉能聲辟御前軍器所幹辦公事未幾宋亡家

亦毀乃避地萬山中為終馬之計元侍御
史程鉅夫求遺逸以潼發應詔辭弗起

孫安國

通判南平軍喜功者誘漆潘二州納
貢興版築安國極言無益乞省罷之

孫嵩

字元京休寧人貌怪奇趣尚幽潔以薦入太學
宋亡歸隱海寧山中自號艮山有艮山集誓不

復仕杜門賦詠淒淒淪絕
以寄其沒世無涯之悲

金孫九鼎

定襄人天會中經義進士第一弟九疇九億
俱有詩名與兄同榜登第吳彥高常贈詩云

清廟瑟三嘆齋房芝九莖
其為名流稱道如此

孫鐸

恩州厯亭人性敏好學大定中進士厯官戶部
尚書參知政事嘗上書論法令不一及議交鈔

金主稱其剛正雖魏徵不能
加後以太子太師則致仕焉

元

孫輒

臨川人學行純篤事母至孝家居教授與人言一以忠信孝弟為本未嘗興微及人過失屢辟

皆不就輒為文章吳澄常叙其集曰所謂仁義之人其言藹如也

孫明道

接明道至則皇皇焉求其遺民綏之以德由

是流離者悉皆復業百廢具興尋擢本路治中

孫希武

遂溪人仕為賓州判官進臨賀尹廉潔自守接人無妄言在賓州徭蠻梗化官府不能制

希武作書招之徭蠻盡附

孫秀實

大寧人性剛毅喜周人急里人王仲和常托秀實貸富人鈔貧不能償逃出數年其親思

之疾秀實日饋薪米存問終不樂秀實乃悉為代償取券還其親復命奴訪仲和使歸父子歡

聚聞者莫不嗟嘆

孫撫

字自謙曹州人至正初進士授濟寧路錄事選集賢待制時張士誠據高郵叛朝廷命撫招諭

之撫入城反覆開諭士誠竦然已而拘之他室令其黨陰厚欲以降撫撫詬斥不屈士誠徙平江撫與士誠部將謀赴鎮南王府約日進兵復高郵謀泄被執訊問撫罵聲不絕遇害追封曹

南郡公諡忠烈

明孫炎

字伯融句容人長身跛一足博學善辨論長於歌詩國初從征浙東以功授處州總制措置有

方境內皆服後為賊所執脅使降炎大罵不屈賊怒拔刀叱解衣炎曰此紫綺裘君所賜者吾當服之以死賊遂害之追封丹陽男

孫巖 鳳陽人少狹智勇國初從征渡江授百戶調燕
山右護衛南伐之時命守通州城孤而敵攻之

急巖隨機應敵卒保無虞封應
城伯卒追封應城侯諡威武

孫英 武進人成穆貴妃之兄洪武初拜參知政
事賜第京師子震補河南中護衛鎮撫

孫用 洪武初為常州知府廉能儉素治政清平救民
疾苦作興學校任滿朝廷以其廉能令復任

孫鎮 合肥人洪武中中制科除度支主事坐累謫戍
雲南尋復累陞衛輝府知府靖難時不屈謫戍

山海關

孫緒 洪武中為饒陽知縣均賦役
清刑罰以廉能稱縣人懷惠

孫浩 諸城人洪武中由太學生授廣東左
參政再陞本司左布政使政事著聞

孫顯

信陽人性聰敏遇事能果決鄉里推重之洪武丁卯科領鄉舉授工科給事中累官工部尚書

孫伯堅

洪武間為四川左參政持政寬平不事苛察吏民德之仕屬為國子博士檢校刻石經又

有同郡林罕亦善文字之學著說文二十篇目曰林氏小說刻石蜀中

孫文義

館陶人舊名文進洪武中登進士拜監察御史監造榆林版籍有功御筆改為文義尋為

權奸所擠卒於官

孫恪

鄒平人洪武末累遷懷柔縣簿民深感之奏陞知縣後陞福建參議律身廉謹家無蓄積惟收

書以遺其後而已

孫太

從宋忠征懷來先登頗斬獲北平兵擇善射者並射太中矢流血被甲慷慨裹血力戰奮呼陷

陣死之

孫士良

永樂初應山知縣居官未三考人戶自占三千餘口開墾荒田五十餘頃政事簡惠賦役

平均民到於今稱美之

孫亶

永樂中知鞏昌府仁恕端明役均刑省吏民畏愛宣德初官滿當去民上章乞留復任政績益著

孫瑾

丹徒人父沒哀毀停柩未葬衣不解帶嚴冬跣足而步事繼母唐甚謹唐患癰瑾親吮之即愈

唐雙目失明瑾旦暮紙之復明及唐卒十日將葬時春苦雨瑾夜號天至旦開霽甫掩壙復雨

數日不止事聞旌異

孫子良

海寧人永樂進士入翰林為庶吉士與脩永樂大典擢兵部郎中歷陞山東參政所著有

螺城集子暉
涿州知府

孫原貞

德興人永樂進士歷官兵部尚書居官以清慎自將多著勞績年八十七終

孫忠

鄒平人由太學生擢介休簿遷官鴻臚宣德中以戚畹之貴進爵會昌伯為人謙恭小心節儉

不奢未嘗以貴驕人享福祿榮名數十年卒年八十五追封安國公諡恭憲

孫芝

字廷秀連江人宣德中以國子生授慶都縣知縣陞沔陽州知州時有建議欲削削孟子書者

芝上疏極論以為不可其言遂不行

孫鼎

字直鈺廬陵人正統進士永樂間以鄉薦歷松江教授楊文定公薦為御史提督兩畿學校先

德行而後文藝以身為率不事防察巡歷所部
單興粹至諸生既集忽令閉門而試一文隨閱

隨定呼名而出
先後無懼

孫瓊

字蘊章崑山人正統進士授刑部主事陞郎中
時錦衣指揮門達用苛刻羅織人罪法司承望

風旨往往死非命瓊多所平反太監牛玉養子
犯法囑瓊瓊不少貸由是積怨於他事連坐謫
戍遼陽成化初復職乞歸年近四十家居薦於
禮度終日端坐所居朴陋人不能堪而處之裕
如

孫洪

字伯大昌邑人景泰間舉進士初授兵部主事
奉勅選調征勦兩廣官軍陞郎中會中宮崩喪

禮一從擬議累遷山西參政以南陽流逋改勅
河南撫之甫定陞本司右布政使疏汴河人免

塾溺尋陞副都御史
賑撫流民咸得其宜

孫賢

洛陽人景泰進士第
一歷官禮部尚書

孫鏗

康勝人天順初奪門功封懷
寧伯殺曹賊功進侯諡武敏

孫文原

字宗道慈谿人經明行脩母王氏沒時授經
於崇德聞訃不限晝夜徒步而歸哀毀骨立

父嵩病泄痢文原嘗糞甜知不可生願天求代
封股肉以進疾遂愈文原孝心純至惟恐人知

或見其股痕即掩覆曰嘗病瘡耳領鄉薦官都
尉輒號哭曰祿不逮養食寧能下咽耶清德懿

行人多
稱之

孫交

字志同安陸人成化進士歷官戶部尚書諡榮
僖孤忠正色言論恂恂清慎恬靜終始一致

孫需

字孚吉成化進士饒州人歷官南京吏部尚書守法畏公議清氣皜然不滓雖不能發揚功名

有赫赫之譽顧正德間大臣多掇克回適需獨以廉約稱諡清簡

孫璽

字朝信平湖人成化進士知興化惠政及民去後見思轉揚州府同知歲饑悉力賑救全活以

萬計終山東按察僉事持力執法可方古人居家孝友睦族與人樂易不為表襮子植嘉靖辛

未進士南京刑部尚書

孫紘

浙江鄞縣人弘治進士先任御史剛正不阿以事忤權貴謫判膠州尋陞廣德知州不事威力

而百為鎮靜嚴禁盜賊而一境肅然故民有八詠曰部民安堵鄰郡懷仁烏參公座鶴產謀樓

鳴鶴生白潢水澄清庭無留訟歲有大秋至今論賢守者云孫公

孫燧

字德成餘姚人弘治進士歷官右副都御史巡撫江西宸濠之變不屈被害贈尚書諡忠烈

孫祿

棲霞人弘治間進士擢戶部主事會計大同糧儲為逆瑾禁錮後知揚州有善政進秩山西右

參政仍知府事然性慨驕雖上司劾之屹不動累官浙江右布政

孫懋

字德夫慈谿人正德進士初任浦城知縣聽斷精明興利除害擢吏科給事中終應天府尹贈

右副都御史懋立身介潔處事周詳於所寓處必大書天理二字以自省不為威屈不以物遷

蓋其天性然也

孫堪

字志任燧長子以蔭授錦衣千戶中武舉第一歷官都督僉事平生孝友為宸濠所害徒步

千里負骸骨歸葬行路悲酸母卒又北走齊魯號天而望觀慟哭不置竟殞談者傷之人稱為

父忠子
孝云

孫瑜

字孟秀邢臺人登進士授刑部主事歷員外郎中陞開封知府開封素號繁劇瑜處之有法不以為勞持已有水蘗聲及卒至無斂具巡撫檄所司辦之且為營孤孀費行貯順德府庫俟其

子成立
給之

孫承恩

字貞甫華亭人正德辛未進士歷官禮部尚書諡文簡

孫清

字直卿餘姚人正德庚午順天解元辛未進士第二歷翰林院編修歷陝西提學副使有文名

蚤
卒

孫一元

字太初或云關中人眉宇炯炯魁岸獨立嘗讀老氏書至再氣致柔之語委心其學辭家

入太白山守中致虛因以太白山人自號為詩
象宕孤鶩前無古人與名流相倡和馳其聲於

四方正德戊寅乃僦居
烏程後林村後三年卒

孫陞

字志高餘姚人燧子嘉靖進士第二歷官禮部
尚書諡文恪子龍丙辰進士光祿卿鉉癸丑進

士禮部侍郎錄壬戌進士御
史鑛甲戌進士禮部郎中

孫適

字孟博錢塘人博覽羣集有詩名孝親友弟弟
迪官禮部沒適躬往扶柩還葬以一子嗣其後

少與翰林王洪善洪家貧親老祿薄不給適周
之終始弗渝善行草尤精於素問鍼灸術人有

疾輒愈之而未嘗責其報隱居甘泉里號東岩
老人詩有東岩老人集子莫卒於官監察御史

孫宏軾

字以瞻四川資縣人嘉靖乙未進士歷浙江
海道副使才猷練達政體簡嚴務持大體不

事小

孫寬

字文中德化人正德間由貢生授通州學訓導少為李夢陽所重文書醜籍尤善討論在任凡

所感遇多形於詩所著有北通備遺稿有和李西涯春興八首其一曰竹垣向裏闢新池徑曲門遷去每遲鳥弄落花人未到魚吹新荇月先知天邊客夢何時醒江上歸舟此日移喚起巢由作賓主不知身在帝堯時為人所膾炙

孫繼魯

字道甫雲南籍錢塘人嘉靖癸未進士授主事仕至都察院右副都御史忤旨杖卒隆慶

改元贈兵部左侍郎諡清愍

萬姓統譜卷二十一

欽定四庫全書

萬姓統譜卷二十二

明 凌迪知 撰

上平聲

十三元

溫平原商音唐叔虞之後晉公族受封河內之溫因以命氏又邵至食采於溫小號溫季又望出汲郡清河

漢 溫序太原人建武中徵為侍御史遷護羌校尉行部至襄武為隗囂別將所拘劫諭使從已序曰分

當効死義不貪生遂以口銜鬚伏劍而死

溫疥功臣表封侯

孫何始居太原

三溫恢

字曼基，祁人。年十五，家足於財，曰：「世方亂，安以富為一朝盡散。」賑施宗族，州族高之。累官涼州

刺史子生，爵關內侯。

晉溫羨

字長卿，恢孫。少聰敏，惠帝時拜豫州刺史，累遷吏部尚書。後為冀州刺史，遷開府領司徒。

溫嶠

字太真，羨從子。父愴，河東太守。嶠博學，能文，風儀秀整，為劉琨右司馬。奉表江東，元帝器之王。

導等並與親善。後除散騎侍郎，累遷開府儀同三司。子放之，交州刺史。式之，新建縣侯。

溫皓

揚州刺史

溫訥

吳人為揚行密將，劉威幕客。行密率威為帥，府所忌，薦於徐溫。溫將害之，訥說威曰：「公受謗，雖

深反本無狀，若輕身入覲，嫌疑皆亡矣。」威從之，卒得還鎮。

南
北温子昇

字鵬舉博學百家文章清婉常景曰温生是大才士孝莊以為主客郎中文章陵頗轍謝

含任
吐沈

唐

温大雅

字彦弘祁縣人師文中子高祖兵興主文檄討定儀典拜黃門侍郎太宗朝封黎國公弟

彦博累官尚書左僕射既降掌機務謝賓客不
進見必陳政事利害大雅累官中書侍郎封

清河
郡公

温遷約

字從禮為李唐世臣巢賊亂遷約自長沙糾義旅來往捍禦卒以靖民命尹崇陽十三載

積功累官司空鄂州
制置使兼知鄂州

温造

字簡與大雅五世孫父佶安祿山亂往見平原太守顏真卿助為守計造姿表魁傑性嗜詩書

隱東都烏重膺奏至幕下遷殿中侍御史彈劾
夏州節度使李祐違詔進馬祐曰今日膽落於

溫御
史矣

溫彥博字大臨通書既警悟而辨善辭令每問四方
風俗臚布誥命若成誦然進止雍容人皆拭目

觀目

溫庭筠彥博裔孫少敏悟工為辭章與李商隱
皆有名號溫李作賦八叉手而八韻成

溫璋為京兆尹設鈴以通冤訴者一日聞挽鈴聲視
之乃鴉也璋曰是必訴人採子命吏視之果得

採子者政有
績賜之金紫

溫廷皓咸通中署徐州幕府值龐勛反以刀脅之作
表罵曰我豈以筆墨事汝耶速殺死勛笑曰

儒生有

膽耶

宋

温仲舒

字東陽河南人舉進士通判吉州直史館拜樞密直學士累遷同知樞密院事後知河南

府才堪應務與寇準同進人稱温寇

温若春

番禺人嘉定中廷對奏名第一歷校書郎與崔與之遊素重其學行薦諸朝奏曰若春宜

清要之任
除秘書

温革

石城人寶元中上書願納家貲盡市國子監書得請歸創講堂開義學遠近之士多就教育鄉

俗陶其善化

温憲

咸通中及第與張喬等為十哲

溫商

貞元中及第
號龍虎榜

明溫原

樂亭人洪武中領鄉貢歷職勤
能官至都察院左僉都御史

溫德中

寧都人至正壬辰盜起偕弟致中允中起義
兵保障一境賴之以安乙未致中陷陣遇害

溫祥卿

德中洎諸弟竟捕渠帥以復弟仇甲
辰天兵至贛倡義歸附歷昭勇將軍
大同人精通陰陽術數之學元末避兵家于長
興耿炳文與語奇之以儒士留贊軍事用其

策分兵據要害設戰具為守禦計後累官兵部
尚書出為四川布政使吳元年太祖命學士宋

濂撰文
贈之

溫禧

字宗錫程鄉人洪武間以明經薦授本學訓導
雖初寒暑雨衣冠侍之母側不少怠母卒勺飲

不入口三日學者
稱為梅野先生

溫福

洪武間宜章知縣守已廉潔賦
役均平民之逋亡者聞風慕歸

溫琮

字廷用華陽人登彭教榜任監察御史巡按雲
南時鎮守錢能貪橫民號為閻羅琮才識既高

風力尤著以事制其命能於
是斂迹滇民稱之為溫太歲

溫仁

和琮子弘治進士
歷官禮部尚書

溫應祿

字以庸烏程人癸丑廷對第三授翰林編修
凡朝廷大政事大典故悉心討究是歲霖雨

為災京師饑饉撰救荒疏指陳時政咸當肯綮
踰年卒祿性行純孝善繼親志雖列史館每以
不得祿養為歎所為詩文氣邁
豪古然壽不享年人為之惜

溫景葵

字志忠大同人嘉靖戊子舉人授知縣選御史剛正敢言陞蘇州知府發奸摘伏吏畏民

懷歷遼東巡撫都御史告歸屢疏不起

溫如玉

郎縣人嘉靖癸丑進士除行人拜監察御史巡甌浙江巡按蘇松所在焯著風稜時江南

當島寇初平之後物產凋耗如玉一意汰壘鋤強拊循其民四郡咸被甦息尋擢山東按察司副使以病乞休卒如玉平生謹廉隅慎取予敦孝友居鄉不以氣勢加人居顯官二十年故廬不增飾一椽士林頌之

溫如春

字和甫洛陽人嘉靖癸丑進士授戶部主事歷按察副使弟如璋嘉靖丙辰進士授御史

歷都察院右僉都御史巡撫保安等處地方

袁

汝南羽音陳胡公七代孫莊伯生轅孫濤塗以王父字為氏世為陳上卿又望出陳留新城其後去車為

袁或作爰寶

同出一源也

漢

袁盎

字絲楚人漢文帝與慎夫人同坐盎引卻之上賜之金申屠嘉引為上客

袁安

字邵公汝南人舉孝廉除陰平長任城令所在吏人畏而愛之為河南尹政號嚴明為三公漢

室中微外戚彊盛朝廷之上皆倚賴安以為重

袁著

汝南人年十九見梁冀凶縱上書劾之冀殺之

袁京

安子字仲舉少無進取志隱居縣城東北五里山是時宜春為縣袁未名郡後人因其姓以名

山豫章太守為京立高士坊習孟

氏易作難記三十萬言官侍中

袁敞

字叔平，廉劬，不阿權貴。官司空。子盱，光祿勳。

袁彭

安之孫。京之子。少傳家學，歷廣漢、南陽太守。順帝初，為光祿勳，行至清，為吏，粗袍糲食，終於議。

郎尚書胡闕等追表其有清潔之美。比前朝貢禹第五倫當時皆嗟嘆之。

袁湯

京子。字仲河。少傳家學，諸儒稱其節。桓帝初，為司空，以豫議定策，封安國亭侯。

袁逢

字周陽。以累世三公子，寬厚篤信，著稱於時。官司空。子基，位至太僕。弟隗，少歷顯官。逢為三公。

袁賀

汝南人。安之後。東漢時為彭城相。卒。郡子闕，兄弟迎喪，不受賻。贈綬，經扶柩，冒犯寒露，形貌枯。

毀手足，血流見者莫不傷之。

袁闕

字夏甫。京孫。耕學為業。陳蕃薦之，可登三事。桓帝以安車徵之，及黨事，將作闕乃棄土室，潛身。

十八年

袁紹

安四世孫有姿貌威容愛士養名既闕

無貴司

賤與之抗禮輜輶紫輅填接街陌歷大將軍兼督冀青幽并四州牧討曹操不克軍潰疾作卒

袁術

汝陽人紹從子曾祖陽司徒太尉父逢累遷司空術舉孝廉累官至河南尹董卓謀廢立術奔

南陽劉表上術為南陽太守術又表孫堅領豫州刺史率兵破董卓後為曹操所敗卒

袁弘

閔子字紹甫恥其門族貴勢乃變姓名徒步師門不應徵辟終於家

袁忠

字正甫彭之孫與同郡范滂為友初平中為沛相以清亮稱後棄官避地會稽及孫權入會稽

忠浮海闕

避之

獻帝闕

袁祕

忠子為郡門下議生黃巾起祕從太守關

擊

之軍敗祕與功曹封觀等七人以身關

於陣謙以得免詔祕

袁玘

陽羨令造長橋以利涉玘生有神異能

三國袁渙

字曜卿陳郡人劉備舉渙茂才後歸曹操拜沛

南都尉遷梁相每勅諸縣存鰥寡高年表孝子

貞婦常曰世治則禮詳世亂則禮簡全在斟酌

魏國初建行御史大夫事子侃清純閑雅素有

晉袁環

字山甫陽夏人元帝時為荅令其弟猷為江都

令齊名江淮間時人美之環累官散騎常侍環

族弟眈少有才氣官至歷陽太守

眈子質以孝行稱官至東陽太守

袁喬

字彥叔環子博學有文桓溫辟為司馬不就拜尚書郎佐溫平蜀進龍驤將軍子崧少有逸才

累官吳郡太守孫恩之亂力守滬瀆城死之

袁耽

字彥道環之從弟少有才氣倣儻不羈為士類所推蘇峻之役王導引為參軍隨導在石頭初

路永佳術賈寧等皆峻心腹耽乃潛說永等使歸順峻平封秭歸男

袁甫

字公冑嘗詣何勗自言能為劇縣勗曰唯欲宰縣不為臺閣職何也曰人各有能有不能乃除

令滋

南袁湛

字士深陽夏人宋武帝以為諮議參軍累官司空尚書弟豹好學博聞為御史中丞豹子淑縱

橫才辨累官太子左衛卒淑兄洵洵子顛顛子昂皆有名

袁廓之

字思度陽夏人因父死非命終身不聽音樂布衣蔬食足不出戶誓不臣宋時人比之晉

王哀云顏延之每見嘆曰有子如袁廓之足矣齊國建仕至太子洗馬

袁翻

陳郡人仕魏累官度支尚書翻名位俱重當時賢達咸推與之

袁粲

字景倩幼孤好讀書及長有風操嘗著妙德先生傳仕宋累官左僕射出鎮石頭城為劉僧靜

所殺子最以身衛父俱死粲語最曰我不失為忠臣汝不失為孝子

袁象

字偉才陽夏人仕宋為武陵內史兄顛見誅宋明帝投尸江中象與舊奴一人微服求尸四十

餘日乃得密葬石頭後岡尋改葬焉初象幼而母卒養於伯母王氏象遂事之如親云

袁昂

字千里粲從弟仕南齊為尚書令遷司空立朝審諤世號宗臣被接見者亦號登龍門

袁樞字踐言陽夏人昂孫性沈靜好學侯景之亂社
門靜居不求聞達紹泰中厯吏部尚書徵為侍

中

袁憲

字德章樞弟累遷御史中丞嘗陪宴承香閣賓
退後陳宣帝留憲與樊俊徙席山亭談宴終日

帝謂俊曰袁
家故為有人

袁式

字季祖父深晉侍中式厯武陵王諮議參軍與
司徒崔浩一面便盡國士之交式博於故事浩

每有所草創恒顧
訪之呼曰袁諮議

袁躍字景騰翻之弟博學俊才性不矯俗翻常謂人
曰躍我家千里駒也厯任尚書都兵郎中散騎

侍常

袁峻

字孝高訥言語工文詞擬官箴獻之梁武帝賜束帛直文德學士省

袁山松

陽夏人少有才名博學有文著後漢書才情秀發善音樂舊歌有行路難曲辭頗疎質山

松好之乃文其辭句婉其節制每因酣醉縱歌之聽者莫不流涕初羊曇善唱樂桓伊能挽歌

及山松行路難繼之時人謂之三絕時張湛好于齋前種松柏而山松每出游好令左右作挽

歌人謂湛屋下陳尸山松道上行殯懸為吳郡太守孫恩作亂城陷被害

袁猷

陳郡陽夏人字申甫少與環齊名代環為呂令復相繼為江都令由是俱渡江環為丹陽猷為

武康兄弟列宰名邑論者美之歷位侍中衛尉卿

袁準

字孝尼陽夏人以儒學知名注喪服經官至給事中

袁耽

字彥道陽夏人少有才氣倜儻不羈為士類所推桓溫少時游於博徒資產俱盡尚有負逋無

自振之方莫知所出欲求濟於耽而耽在艱試以告焉耽略無難色遂變服懷布帽隨溫與債主戲耽素有藝名債者聞之而不相識謂之曰卿當不辨作袁彥道也遂就局十萬一擲直上百萬耽投馬絕叫探布帽擲地曰竟識袁彥道不其通脫若此

袁質

字道和自渙至質五世並以道素繼業惟其父耽以雄豪著及質又以孝行稱官歷琅邪內史

東陽太守

袁豹

字士蔚好學博聞窮覽典籍初為著作佐郎累遷劉毅諮議參軍領記室豹善談雅俗每商較

古今兼以誦詠聽者忘疲為御史中丞

袁淑

字陽源，陽夏人。少有風氣，年數歲，伯父湛謂家人曰：「此非凡兒。」十餘歲，不為章句之學，博涉多

通。大采道勁，從橫有力，辨合州命關。著作佐郎太子舍人，並不就累遷尚書。明部元凶勅謀

弑逆，淑力諫，不從。被殺後，諡曰忠憲。

袁君正

字世忠，美丰儀，早得時譽，當官蒞事，有名遷吳郡太守。

袁朗

長安人，陳後主詔為月賦一篇，灑然無留思。後主曰：「謝莊不得獨美於前矣。」復詔為芝草嘉蓮

二頌，歎賞尤厚。

袁聿修

字叔德，為尚書郎十年，未曾受升酒之遺。邢即常呼為清郎，後為太僕少卿，出使巡省邢

即送白紬為信，不受。即曰：「今日復作清卿矣。」

唐
袁恕已

滄州東光人。歷官司刑少卿。與誅二張。又從相王統南牙。兵備非常。以功封南陽郡王。後

貶流環州。遇害。諡曰貞烈。

袁人傑

無為人。唐末盜賊充斥。人傑以土豪招集強壯保障。一方賊大入。人傑挺身血戰。度不能

去。仰天大呼。自刎而死。尸僵立者累日。賊驚異。舍其境。遁去。鄉人收葬立祠祀之。

袁履謙

同顏果。死節。

袁皓

字退山。宜春人。博學能文章。咸通間舉進士。累官吉撫。二州刺史。集賢殿圖書使。自號碧池居

士有碧池書三十卷。集道林士詩二卷。

袁天綱

成都人。有風鑑。應驗不可勝紀。太宗召見。曰。古有君平。朕今得爾。何如。對曰。彼不逢時。臣

固勝之子容師亦傳其術無不奇中

袁利貞

字敬孫高宗時為太常博士帝欲大會羣臣命婦合宴宣政殿利貞上疏諫以為非命婦

宴會之所帝納之詔曰卿奕葉忠鯁能抗疏規朕之失不厚賜無以勸能者賜物百段

袁仁敬

開元中杭州刺史時玄宗自擇諸司長持以仁敬刺杭詔宰相諸王御史以上祖餞洛濱

賜詩親書以寵其行仁敬治郡之暇嘗種九里松

袁承序

太宗崇選僚屬問梁陳名臣子弟誰可者岑文本曰昔陳亡百司奔散袁憲朝服立後主

傍白刃不避其子承序風操清亮無愧先烈乃拜晉王友

袁高

字公順東光人恕已孫擢進士拜給事中德宗起盧杞為饒州刺史高極論杞當國矯誣陰汙

忠誼敗明德詔出高執不下帝
從之天下仰其直贈禮部尚書

袁誼

為蘇州刺史司馬張沛嘗白誼曰州得一長史隴西李亶天下甲門也誼曰夫門戶者歷世名

節為天下所高老夫是也山東人尚婚媾求祿利耳至見危授命則無人焉何足尚邪沛大慙

袁不約

字還朴新城人登長慶三年進士又試平判入等仕至職方員外郎有袁不約集一卷羅

隱撰新城築城記有云天下無事吾鄉則有凌準吳降袁不約以文學進

袁滋

字德深憲之後為華州刺史政清簡流民至者給地居之名其里曰義合以慈惠為本民愛向

之滋行者老遮道不得去代者楊于陵使諭曰吾不敢易袁公政人皆羅拜不得去

袁光孚

天寶間為台州刺史沈佺期贈曰公四代衣冠一門忠鯁文才沈毅雅度溫良甘雨隨傳

於性還仁風交扇於莽月果若其言為良吏矣

袁光廷

天寶中安祿山搆難西北戍兵悉入援時河隴郡縣皆陷吐蕃惟河西戍將袁光廷為伊

州刺史固守歷年雖游說百緒終不降諸下同心無攜畔者及糧竭手殺妻子自焚死建中初

贈工部尚書

五代袁彥

河東縣人少以矯勇應募嘗從周世宗討淮西累官彰信軍節度使宋初加檢校太尉

袁象先

恕已之後也以梁甥為宣武軍內外為步軍都指揮事歷官平盧軍節度使積有勲勞莊

宗待之甚厚賜姓名為李紹安改宣武軍為歸德軍曰歸德之名為卿設也遣之還鎮是歲卒

年六十二
贈太師

宋

袁繼忠

井州人父進周階州防禦使繼忠長厚忠謹宋初平澤潞討井汾征蜀廣悉預攻戰又從

征契丹皆有功累官判四方館事前後賜賚悉以犒士及卒家無餘財子用成登進士第官至

太常博士

袁逢吉

字延之鄱陵人父蟾大理評事逢吉四歲能誦爾雅孝經七歲兼通論語尚書開寶中擢

三傳第累官鴻臚少卿性修謹練達時務子成務京東轉運副使從子楚材虞部員外郎

袁廓

劍州梓潼人為上蔡令課最擢太子右贊善好詆訐太祖以為奇士累官鴻臚少卿被誣憤死

上聞悼之錄其子丘賀為奉禮郎

袁默

字恩正無錫人嘉祐進士官至湖北轉運判官學問淵深為時所宗

袁轂

字容直鄞縣人嘉祐中進士少以詞賦得名知
即武軍條鹽法利害以便民奏減其課即入祠

之累官至朝奉大夫轂博
賈羣書所著有韻類百卷

袁抗

字立之南昌人舉進士呂夷簡執政或諷以私
謁抗不往自廣南提刑還橐中無銖兩南貨累

官至少府監抗喜藏書至萬餘卷子
陟好學善為詩登第官至殿中丞

袁沔

通州人未冠遊太學靖康之難敵騎再至慨然
上書言當東據成臯西臨沔池以銳士擣敵巢

穴則城下之師自解不報已而城陷沔歸漢中
乃畫防險制敵五事其後膺薦復條十二事力

詆諛佞用事者忌之
沔度不見用拂衣而歸

袁植

字材老無錫人登崇寧進士第詞學兼茂科為
監察御史金人入寇陳邊防十三事以誅佞人

為先不納引疾休致建炎召為左司諫直言忤
宰臣黜守岳陽會敵騎大入叛臣李允文擁眾
怙亂植條奏其狀遂遇
害允文誅贈直龍圖閣

袁昇

鄞縣人初為郡吏五旬無子其妻付資往臨安
買妾既得妾察其有憂色且以麻束髮問之泣
曰妾乃趙知府女也家四川且貧母鬻妾為歸
葬費耳昇即送還母泣曰財已破用昇曰願相
奉復以橐中資贈之而歸妻迎問曰妾安在遂
告其故妻曰君設心如是不患無子明年生子

韶後為
顯官

袁師奐

雲安人紹興中進士師奐父孝純兄師
允父子兄弟四人相繼登科鄉人榮之

袁顯

益陽人矮身長髯勇敢過人建炎間湘寇楊么
猖獗顯請於縣宰魏舜臣團鄉兵以捍一日賊

傾寨來戰顯極力鏖戰為賊所得賊欲用之顯
罵賊不屈么置諸鼎鑊而死舜臣哀之具禮以
祭

袁灼

較子進士第官至尚書倉部郎中守婺州武臣
曹宗蔡京姻黨數犯法灼械於獄死焉京怒錮
其秩後為倉部上疏以清心省事
安不忘危為言甚切直黜知泗州

袁樞

字機仲建安人試禮部詞賦第一調溫州判官
淳熙中為編脩官分脩國史故相章惇家求為
潤飾其傳樞曰吾為史官法不隱惡寧負鄉人
不可負天下後世公議時相趙雄嘆曰無愧古
良史矣後以右文殿修撰知江
陵府所著有易傳解義等書

袁韶

字彥淳昇子淳熙中進士為左司郎中接伴金
使其人索箴幣語慢甚韶曰昔聞兩國誓約止

輸幽州不聞往汴使者語塞後為
浙西制置使卒贈太師越國公

袁燮

字和叔鄞縣人淳熙中進士累官國子祭酒禮部侍郎學有師承文氣淳厚每言人心與天地

一本精思以得之兢業以守之則與天地相似
卒諡正獻三子肅甫商俱有學問知名於時

袁甫

字廣微夔子嘉定中進士第一學於楊簡簡曰
學以自得為貴由是慨然自任累官國子祭酒

吏部尚書卒諡正肅所著有
孝說孟子解及文集行世

袁申儒

理宗時知常德府事善政及民興文學厚士
風嘗於江南籍沒田一區名貢士庄以資入

者省

袁鎮

奉化人事親奉養備至雖顛沛不廢溫清端平
初父年七十病羸更醫禱弗驗乃一再剗股和

樂以進父病垂絕復存者十有五年異母兄有
虐之者友事益謹孝弟之稱無間戴表元為作

遷祔記以

表其行

袁鏞

鄞縣人咸淳進士尚氣節元兵至鄞鏞往軍前
責以大義遂遇害孫士元薦為翰林國史檢閱

官不就所著
有書林外藁

元
袁裕

洛陽人累官監察御史遷甘州等路宣撫副使
甚有政績入為刑部侍郎終順德路總管兄子

師愈官至
侍御史

袁桷

字伯長韶曾孫仕至翰林侍講學士長於論史
悉究前代典故人叩之壘壘不倦朝廷制冊悉
出其手所著有易春秋說及清容
居士集卒追封陳郡公諡文清

袁洪

字季源鄞人七歲通詩書春秋初父與柄臣賈氏同名遂退屏居鄉里年十七以大父越國公

恩例補官馬光祖守臨安徵為佐以放達聞禮却尚書李伯玉中書舍人劉震孫以治劇初薦

佐兩浙轉運遠大社令時賈相不樂四明人與同郡士六十餘人坐廢家居講學不及世務

袁明善

字誠夫臨川人父公壽鄉稱善士明善師事吳文正公晚年教授于卽菴之門自號樓山

所著有征賦定考南北之士游文正公門者明善最久公以遠大期之

袁士元

字彥章鄞人宋忠臣鏞之孫自幼嗜學誦至廢寢食父母憐而禁止之迺端坐默記不

少輟長益旁搜遠輯務為深博時守禮致郡庠為五經師學者翕然宗之監察御史奧林以茂

材異等薦授鄞學教諭調西湖書院山長改鄞山書院未幾中書參政危素薦為平江路儒學

教授又用薦陞授文林郎翰林國史院檢閱官引年弗就

明
袁華

字子英崑山人少穎悟不羣讀書三過輒記誦不忘工詩尤長於樂府與顧阿瑛友善楊維禎

尤重其人以才子目之洪武初為郡學訓導坐累卒於京師

袁泰

萬泉人洪武進士授湖廣鄱縣丞累官右都御史處心廉正執法不移理枉伸冤祛除民害一

時良善獲安奸邪不得肆志

袁凱

華亭人言議英發尤長於詩專學少陵如關中除夜江上早秋等作雜之杜集中殆不能辨洪武中為御史故老相傳上一日錄囚畢令凱送東宮覆審遞減之凱還復命問朕東宮孰是凱

曰陛下法之正東宮心之慈上大喜悉從之後以疾罷歸

袁義

洪武中羽林右衛指揮同知西平侯沐英關守楚雄時敵累叛逼西城義積糧高壘關力戰

虜遂遁去陞楚雄衛指揮使墾田關以足軍餉甃城梁橋威強撫順至今關士咸感慕

馬

袁珪

字廷圭珙兄五歲讀書即成誦十八能關高州武壬戌禮聘至京試治道安民論稱關

茂名主簿後謫戍大寧以詩文自關聞燕邸

召為府紀善永樂改元賜銀幣關科給事中

有敢言聲九年出判和州後關見舊都賜資

益厚秩滿乞老終於家為關祥至孝自號清

白生有清白集曾孫孟悌舉成化

丁未進士授南京祠祭主事免歸

袁宇

壽州人父洪開國功為左都督宇事建文時有軍功為指揮使宇從李景隆北進有功陞後府

都督同知建文三年六月靖難將李遠出沛泗掠餉道宇率步騎三萬邀遠中伏大敗宇脫身

走以其弟容為文皇耐馬都尉故得不死

袁容

字弟永樂中為耐馬都尉儀容端謹從征關

袁珙

士元子號柳莊為人剛毅直方不泛交人嘗遇

異僧別古崖授以相術永樂初以潛邸之相有徵召拜太常寺丞賞賚殊厚賜歸子忠

袁錠

真字人永樂甲午舉人授御史陞河南知府庶以律已誠以待下作勸善榜以諭弗率者作勸

農歌以示失業者任滿民立去思碑歷參政

袁伯儀

沅陵人博學有才識永樂鄉薦以道德為重拜監察御史廉慎克振風紀時中貴人與當

路不協欲中傷之先使人謂伯儀曰若能為我去此人當有美除伯儀曰害良善以取美官君子不為也吾為御史可聽行人言乎遂上疏論之後以病乞歸卒

袁政

字文理吳縣人嘗學於俞貞木夏忠靖薦於朝授遂安知縣未視篆宿於驛亭夢小兒數輩挽

其衣覺而問於父老知邑中生女多不

舉即嚴禁之後邑中生女多名袁留

袁旭

字廷輔樂安人永樂進士授江津知縣以事免歸琴書之外無長物尋詔舉知寧國府百政具

舉比述職簡賢凡十人旭居其一賜襲衣褚幣宴禮卽後為御史陳富構陷下獄卒旭甘澹泊

見善如不及然疾惡太甚故卒以誣死云

袁均哲

字庶明建昌人正統中知郴州為人幹局剖訟明決操履清慎境內廨宇祠廟橋舖之

類多其遺跡嘗績
刻郡志至今傳焉

袁彬

字文質新昌人正統己巳土木之變以校尉從英廟北狩踰年履危蹈險服勞效忠明年還論

功授錦衣衛百戶天順丁丑率先迎駕復辟陞指揮僉事辛巳以協剿曹欽功陞都指揮掌錦

衣衛事尋陞至光祿大夫柱國前軍都督府都督同知成化丁未致仕終子勳熹

袁禎

字貞吉中天順壬午鄉試成化丙戌進士知歙縣在任廉明不以財賄自浼苟有利民之政必

廣施之性寬厚隸卒輩未嘗發一詈語民悅之陞監察御史

袁慶祥

字德微自幼卓越不羣成化戊子以書經發解入太學歷事內府陳五事一曰省國費以

節民用二曰嚴選舉以重守令三曰修武備以防民患四曰存公道以守國法五曰起民望以

惜才

能

袁道

字德純吉水人賦性剛介清苦力學以闕
員成化壬辰進士擢監察御史巡撫廣闕
熙罷

賊吏使別奸弊雖藩臬諸司咸曰勿闕使闕
有玷缺使袁御史知也時稱為真闕

袁仕鳳

字彥祥東莞人成化乙未進士初闕
昌縣知縣廉介風厲摘伏如神闕

為上廣

不能抗抑民歌之曰袁闕

撫字吾今求取闕

宣能闕此撫

按以其才堪治劇闕
視事愛民如子平心闕

後斷之故每一事
民聞風畏之及

行之民必帖然服陞闕
於官二縣人思之如父母云闕
院都事卒

袁宗臯

石首人弘治進士歷興府長史從
龍累官戶部尚書文華殿大學士

袁經

字載道青縣人正德進士十三年以戶部員外郎謫同知剛介廉謹珍愛士類脩築城堡疏導

芍陂水利民便之歷官河南按察司僉事

袁煒

字懋中慈谿人嘉靖戊戌會元一甲進士第

三累官吏部尚書武英殿大學士諡文榮

袁袞

長洲人嘉靖進士初任廬陵縣知縣有異政得民心陞禮部主事歷郎中與弟袞先後卒兄弟皆有文學名傾一時

惜蚤卒不竟其業

袁衷

字永之袞弟嘉靖乙酉應天鄉試第一舉進士授武選主事觸忤當路編戍湖州衷至吳興寓居城南之峴山寺披玄弔古悠然自適後人以其所寓處稱為胥臺讀書樓子尊尼嘉靖乙丑

進士歷山東提學副使有父風

袁祖庚

字繩之長洲人嘉靖辛丑進士歷按察僉事

袁襲裳

字子宜眉州人嘉靖壬辰進士歷雲南左布政使

袁世榮

華亭人嘉靖庚戌進士歷禮科給事中

隆慶中太常寺卿袁洪愈字抑之長洲人嘉靖丙午解元丁未進士

萬歷間四川左布政使袁隨字民忱通州人嘉靖丙辰進士

元河南商音衛大夫元咷之後其先食采於元因氏馬又北魏孝文帝改為元氏又望出太原

漢元賀宕渠人嘗為九江沛郡太守所在著德吏民涕泣送之遷大司農為名卿

元賓

以孝廉入三署除蒼龍司馬衛尉遷吳令視事二稔民用康寧辟州從事召拜議郎

晉

元愨

著樂畧
四卷

南元文遙

字德遠洛陽人有王佐才仕北齊累遷尚書左僕射歷事三主明達世務時因魏宰縣多

用廝濫文遙令搜剔責遊子弟發教用之士人為縣自此始

元偉

字茂宏洛陽人少好學能文仕周累遷少司寇嘗報聘於齊遂為齊人所執後三年齊平偉方見釋高祖以其久被幽繫加授上開府庾信贈詩曰號亡垂棘反齊平寶鼎歸其為當時所重

此如

元暉

字叔平洛陽人仕周補相國中兵參軍遷武伯下大夫時突厥入寇令暉齎錦練出使暉說以利害可汗大說遣其名王獻方物累轉兵部尚書魏州刺史

元衍字安樂魏宗室性清慎位梁州刺史表請不合
轉徐州刺史至州病帝勅徐成伯垂傳療之成

伯還帝賚
絹三千疋

元景安

洛陽人沈敏有幹局仕北齊初為定襄縣令累
遷兼七兵尚書時初築長城鎮戍未立詔景

安與諸將緣塞以備守督領既多且所部軍人
富於財物賄貨公行景安纖毫無犯帝深嘉之
元淑字買仁仕魏為河東太守俗多商賈至有年三
十不識耒耜淑下車勸課躬往教示二年間家
給人足為之謠云秦州河東杼

袖代春元公至止田疇始理

元澄

字道鏡宗室襲封任城王位揚州刺史鎮壽春
下車封孫叔敖之墓毀蔣子文之祠總衆南侵

所在尅捷詔書褒美遷司徒
公侍中尚書令薨諡文宣

元雲

魏景穆子為雍州刺史廉謹自脩斷庶獄挫豪傑息盜賊文明太后嘉之賜帛十疋

元志

北魏公子少清辨邢巒曰露竹霜條故多勁節非驚則鳳其在木枝也從孝文南征以身障帝

矢中志
目喪明

元鑿

字紹達後魏宗室沈重少言寬和好士為徐州刺史屬徐兗大水人多饑餓鑿表加賑恤人賴

安以

元延

明後魏宗室先為徐州牧甚得人譽及討元法僧招懷舊士遠近歸之後都督徐州徐州頻

師旅人物凋敝延明
招攜新故人悉安業

元悅

魏宗室為開府儀同三司尋遷太保出為徐州刺史能行異事盜賊屏息

元鬱

字伏生魏宗室位
開府為徐州刺史

元顯

和後魏宗室為徐州安東長史刺史元法僧叛
命坐不肯曰乃可死作惡鬼不可生為叛臣

臨刑神

色自若

元行恭

文遙子貌姿美有父風兼俊才
位中書舍人弟行如為著作郎

元顥

魏宗室少慷慨有壯氣
封北海王為徐州刺史

元定

字願安洛陽人仕魏婺州刺史有雄
畧從征伐每戰必陷陣進爵為公

元世遵

孝明時為荊州刺史州居邊境前代以來互
相抄掠世遵到州不聽侵擾其弟均時在荆

州為朝陽戍主有南戍主妻以三月三日遊戲
沔水側均輒遣部曲掠取世遵聞之責均遂移

還本戍吳人感之薨於
定州刺史諡曰康王

元秉

字壽興魏宗室少聰慧好
學宣武初為徐州刺史

隋

元孝

矩洛陽人西魏襲爵始平縣公拜南營州刺史
益州總管轉司憲大夫隋初拜壽州總管轉

涇州
刺史

元亨

字德良洛陽人父季海後魏司徒馮翊王周太
祖以亨功臣子優禮之歷武衛將軍勳州刺史

隋初拜太常卿出為衛州
刺史在職八年惠化大行

元褒

字孝整孝矩之弟開皇初拜安州總管有商人
亡金疑同宿者褒察而釋之商人訟褒受金縱

賊輒自誣服曰恐累良善後盜
發於他所帝歎異之稱為長者

元巖

字君山洛陽人好讀書以名節自許仕周累官御史大夫隋初拜兵部尚書明達世務廷爭面

折無所回避後為益州總管蜀王奢侈巖切諫之後蜀王為非法文帝曰元巖若在吾兒豈至

乎是

元諧

寧州刺史有威惠在州數年百姓德之

元壽

字長壽洛陽人博涉經史仕周授儀同三司隋平陳以功拜尚書左丞出為箕州刺史在任公

廉入為太府少卿

累遷右光祿勳

元冑

洛陽人英果多武藝美鬚眉有不可犯之色官至大將軍周趙王謀害隋高祖冑以身入衛得

免

元善

洛陽人父羅梁青冀三州刺史少隨父至江南學通五經侯景亂歸後周隋初累遷國子祭酒

帝視學命講孝經敷陳義理
兼以諷諫帝大悅賚賜甚厚

元暉

東海令於縣境西南接蒼梧山東北至巨平山築兩堰以捍海潮內以貯山間流水民獲灌溉

之利

唐元澹

字行冲河南人博學尤通訓詁及進士第累官通事舍人狄仁傑器之後為弘文館學士玄宗

自註孝經詔澹為疏
立於學宮卒諡曰獻

元誼

貞元中邢州刺史徙漳水自州東二十里出至鉅鹿北十里入故河民賴之

元子哲

崇仁令有惠澤及民
時人為立遺愛碑

元德秀

字紫芝河南人少孤事母孝母亡廬墓天寶中任魯山令天下重其行稱曰元魯山房琯

嘆曰見紫芝眉宇使人名利之心都盡紫芝德秀字也及卒家惟杖履篋瓢而已謚文行先生

元結

字次山德秀族弟舉制科會祿山反沈浮人間蘇源明薦其可用帝幸河東結上時議三篇擢

金吾將軍代宗立辭去侍親歸樊上自稱漫郎

元稹

字微之河南人舉制科第一拜左拾遺憲宗時陳西北邊事召問得失當路者惡之出為河南

尉拜監察御史過事政言官至膳部員外郎稹長於詩與白居易齊名時稱元白

元集虛

河內人少好羣籍仕為協律郎博通三教以儒為主南遊愛廬山之勝結溪亭於東南五

老峯下自稱山人不復出仕與白居易柳宗元韓愈相友善

元讓

擢明經以母病不肯調鄉里人訟者皆詣讓判

元正

脩名節擢明經授監門衛兵曹參軍肅宗時河南節度使崔光遠表置幕府史思明陷河洛與

父匿山中賊以名購正度事急謂弟曰賊祿不可養親彼利我名難免矣然不污身而死吾猶生也賊既得誘以高位嗔目固拒兄弟皆遇害父聞仰藥死路人為哭事平詔錄伏節十一姓而正為冠贈秘書少監

元懷景

知張說必貴以女妻撰屬文要義十卷

元琇

累官容管經畧使德宗聞其治材遷嶺南節度使

元延祖

子之二子調春陵丞輒棄官去安祿山反召結戒曰爾曹逢世多故不得自安山林勉樹

名節無近羞辱云卒
門人謚曰大先生

元萬頃

諸儒論撰楚中萬頃與選凡撰列女傳臣執
百察新戒樂書等九十餘篇至朝廷疑議表

疏皆密使叅處以分宰
相權故時謂北門學士

元仁惠

洛陽人北魏武靈王雄之孫初岐嶷有器局
大業中隱處山林與唐高祖有舊逮武德初

得為右千牛擢河源縣令克已為
政蠻貊化其忠信終涼州刺史

五代元行欽

郭從謙反莊宗崩行欽出奔行至平陸為野
人所執送虢州刺史石潭折其兩足載以檻

車送京師嗣源見之罵曰我兒何負於爾行欽
瞋目直視曰先皇何負於爾乃斬於洛陽市市
人皆為之流涕

宋

元達

涪州雞澤人身長八尺負膂力善射嘗醉見道旁槐樹拔劍斬之樹立斷初亡命山林後隸太

宗帳下累遷北而行營都部署交士大夫能折節盡禮人以是稱之

元絳

字厚之錢塘人天聖中進士為江西轉運使僕智高反嶺南而宿軍邕州絳供軍餉有功累遷

翰林學士工於文詞一時名人皆推許之拜叅知政事謚莊簡

元德

昭字明遠本姓危父仔倡刺信州奔吳越錢鏐為易今姓仔倡嘗命曰者視諸子曰者指德

昭曰獨此子非武官及學文其師曰爾才可以為王侯教令因授以文體元璿襲國林鼎薦之

元璿與語曰德昭有輔弼之才吾子孫無憂矣遂掌文翰晉開運三年用師南閩兵機細務悉以委之尋拜國相從倣內附宋以吳越丞相卒年七十八贈太保子仲文仕本國秀文刺秀州

累贈太僕少卿

元奉宗

字知禮秀文之子景德二年甲科及第知通

州海門縣地苦斥鹵奉宗為鑿池注甘泉人甚利之遷博士拜屯田員外郎告老歸杭天性恬靜舊地在闌開乃謂家人曰富春佳山水真

吾退閒之所

遂卜居焉

元衡

字公權吳人紹興間以進士知袁州踰年改湖南常平利州路提刑所至清操不渝官終朝散

大夫工

部郎中

元溥

字泉鄉宜興人幼業進士輒棄去喜為唐詩自號耘軒有歲後書懷云他鄉故鄉老若此新歲

舊歲窮依然烹茶但有二升水沽酒初無三百錢其處約安貧亦可尚云

金元好問

秀容人父德明自幼嗜書以詩酒自適好問七歲能詩及長淹貫經史百家第進士歷尚

書左司員外郎為文備

衆體蔚為一代宗工

元明善

字復初清河人五經皆通无遠春秋早以文章自豪歷翰林學士參知政事為一代文宗

諡文敏

元善

大名人父有五兄弟因貧流散江淮皆客死至大中善往尋其骸骨并迎弟姪等一十五喪而

歸改葬祖父母以諸喪序列
附於塋次州縣以聞旌其家

明

元本

武陟人父子英仕元為河陽尹本至正間進士除邠州判官攝褒城安塞三縣尹俱有治績洪

武初有司以明經舉授懷慶府學教授
遷察言司令史官至吏部郎中致仕

元統

欽天監博士上言歷日抄數高皇是其言

元善

洪武間靜寧州判官以言事稱旨超陞都察院右僉都御史

元俊

洪武丁巳知崇陽縣順民情利民事興廢舉墜民悅從之

元太初

叙州人永樂中任遂溪縣知縣廉明仁恕課令為最

元亮

湯陰人永樂進士景泰初知襄陽府誠心蒞政深知民隱廉而不苛寬而有制十縣之民感恩

懷德從容構
組廳亭寂然

元守直

山陰人成化進士

元伯璵

馬平人嘉靖中任撫州府金谿縣學訓導

元東光

內黃人嘉靖中
豐潤縣訓導

萬姓統譜卷二十二